



大日本史記  
本紀

九



僧 77  
卷 9

大日本史卷二十六



文德天皇

本紀第二十六  
權中納言從三位源光圀修  
男權中納言從三位綱條狹

文德天皇諱道康仁明帝第一子也母女御藤原氏  
女御二字續日本後紀 天長四年八月生八月皇代紀作五月今從大鏡一代要記  
初為親王十年七月朝覲時七歲動止端審有若成人觀者異之兼和九年加元服於仁壽殿及皇太子恒負廢立為皇太子續日本後紀 年十六嘉祥三年三月

二十一日己亥仁明帝崩天皇下殿御宣陽殿東庭  
休廬左右近衛少將各一人率近衛等陳於休廬左  
近衛以下續日本後紀按休廬續日本後紀作皇太  
子直曹蓋直曹在宜陽殿庭或稱休廬其實則一故  
從上左右大臣率諸卿及少納言左右近衛少將等  
獻神璽寶劔符節鈴印等左右大臣至少將等續日  
藤原助率左右近衛少天皇駕輦車移御東宮雅院  
將將曹等今從本書左大臣兼左近衛大將源常右大臣兼右近衛大將  
藤原良房並如故左大臣補任以下二十五日癸卯葬仁  
明天皇二十七日乙巳暴風雷雨嵯峨山陵樹倒遣  
中納言安倍安仁察視之公卿奏言施事天下猶稱

令旨在於視聽有所疑惑請稟天旨改令為敕不許  
四月二日己酉公卿再請又不許是日太宰帥三品  
葛井親玉薨三日庚戌公卿重請改令為敕許之六  
日癸丑地震天皇公除百官吉服十一日戊午天皇  
移自雅御中殿十七日甲子天皇即位於大極殿年  
二十四尊皇母藤原氏為皇太夫人授群臣位有差  
十八日乙丑宣詔内外日易月之制雖據舊章臣子  
之道須存心喪宜命有司基年之內禁宴飲作樂及  
著美服二十二日己巳詔放還佐度流入金刺福貴  
滿是月天寒五月二日己卯大風折木拔草四日辛

巳太皇太后櫛氏崩五日壬午葬嗟峨皇后九日丙戌轉讀大般若經於大極殿三日以祈雨十一日戊子雨水十三日庚寅轉讀大般若經於東宮及中宮三日二十一日戊戌石見言井露降二十六日癸卯雨雹大如鴨卵六月三日巳酉震於西寺剎柱十一日丁巳美作獻白龜二十日丙寅有流星頭尾轉行秋七月二日丁丑賑左右京貧窮者五日庚辰轉讀大般若經於大極殿以祈穀備前獻白龜九日甲申以皇女晏子內親王爲齋宮慧子內親王爲齋院十日乙酉石見獻井露二十四日巳亥雨水壞大極殿

前龍尾道十二次八月十一日丙辰公卿上表賀白龜井露瑞天皇謙讓不當十九日甲子群臣奏賀勅曰祥符所感在盛德而應稱顯慶斯臻豈非虛之可信朕自在大喪事聽冢宰德未動近化何辜幽而今白龜井露之祥至今卿等表賀朕之荒思自知不堪夫無災而患者自前蹟恃瑞而凶非無往鑒况上德不德盛德之祥無聞大聖絕理應聖之瑞自廢誠能道德成曹仁義爲業若二儀之不言若四時之潛運則萬人仁壽誰須千歲之靈龜百物咸盈豈慮曠時之井液漢光晉武定爲吾師陳賀之言非攸聽二十

一日丙寅公卿重表賀瑞許之二十三日戊辰遣使奉寶劔明鏡名香綵帛等於八幡宮及香椎廟二十四日己巳天雨有聲如雷二十六日辛未地震九月乙亥朔日有食之八日壬午遣使攝津八十島是日右京人獲白龜於攝津島上郡河上獻之十四日戊子遣參議藤原助於賀茂社奉神寶禱國家平安十五日己丑遣藤原助於春日社加神位奉神寶以禱平安詔曰乾鑿不測隨皇化而効靈神理非遙應人事而通感是以恩有所漸龜龍不秘幽贊之符德有相覃雲露豫彰昇平之瑞朕上遵遺制下酌群言辭

不獲免遂踐皇極然猶集蓼之痛彌切擠壑之慮未申譬涉大川罔知攸濟卽知天上耳露之淵未必爲朕而灑水中神蔡之智豈能賴朕而浮故斷尚書之章不聽群公之賀而今攝津畿服之地亦獲神龜而獻之僉謂不世之鴻符難得而廢矣朕重違敦請再三念之若是百神七廟之顧彼萬民三槐九棘之緝熙庶績之所致者乎有司共擇吉日告於宗社夫封壇馬齒獻瑞不惧天貺攸降理須優異宜特令攝津島上郡莫輸今年之調美作英多郡石見安農郡備前磐梨郡並免當年庸獲龜人峯成等叙從六位上

賜物准例天下祝部各免其租又五畿內七道諸國  
兼和六年以往調庸未進成從免除溥以膏潤由茲  
惠液之祥布以至和協彼長生之瑞二十一日乙未  
遣使奉幣攝津任吉社賽宿禱二十三日丁酉以七  
月大水山崎橋斷是日敕遣中納言安倍安仁源弘  
參議滋野貞主伴善男等就擇便所置橋冬十月十  
六日庚申出羽言地大震裂山谷易處壓死者衆二  
十日甲子遣使紀伊日前國懸社奉神寶賽宿禱十  
一月二十三日丙申詔曰紫極高映運亨毒而不言  
黃屋尊居播惠愛而無恃故勛華繼躅未隔於勤勞

禹履亟風猶同於含育朕忝奉先訓虔撫令圖冷荼  
蓼以銷神捲烝庶以剌思而今至誠不暢小信未孚  
陰德慙和柔祇告譴出羽州壤而應銅龍之機邊府  
黎毗空被梟禽之害邑居震蕩蹈厚載而不安城柵  
頽頽想艱虞而益恐咸須子視或至於死傷獨作毋  
臨何懈於極救宜馳星使就展恩光其被災尤甚不  
能自有使國商量蠲免租調并不問民狄閑倉廩貸  
振其生業莫使重困崩墻毀屋之下所有殘屍露骸  
官爲收埋務申優恤庶俾委凍者知挾纊之溫阻飢  
者得廩宰之飽二十五日戊戌立皇子惟仁親王爲

皇太子以大納言源信爲傳十二月十四日丁巳雷  
仁壽元年辛未春正月甲戌朔以諒闇不受朝十二  
日乙酉地震癸卯晦夜有流星大如斗二月二日乙  
巳地震十三日丙辰以先帝燕寢轉清凉殿材爲喜  
祥寺堂三月癸酉朔日有食之十五日丁亥地震夏  
四月四日丙午地震八日庚戌天皇始御南殿二十  
五日丁卯召從四位下春澄善繩於北殿講文選二  
十八日庚午改元仁壽<sup>詔</sup>曰體元居正陽秋之格言去  
故成新易象之玄訓是以皇流異汎帝寶分暉莫不  
改正朔以垂風變徽章以演化者也朕以不敏嗣奉

鴻基諒陰之禮已終瘡巨之痛獨切但逾年以後日  
月推移不率舊章恐招新議去年卽位之初頻得白  
龜耳露之瑞雖朕之不德推而不居而聽於公卿告  
之宗廟方今純陽布德萬物成文宜顧靈應於往時  
變年紀於今日其改嘉祥四年爲仁壽元年二十九  
日辛未晦地震五月八日己卯雨水九日庚辰祈晴  
丹生川上雨師社十一日壬午地震二十四日乙未  
又震六月壬寅朔宴賜南殿三日甲辰遣使伊勢賀  
茂松尾乙訓等社以祈晴四日乙巳天晴五日丙午  
分遣使者畿內賑病水者秋七月八日戊寅地震二

十二日壬辰夜有光物墜殿前八月庚子朔延僧一  
百餘於大極殿讀大般若經以祈穀二日辛丑河內  
獻嘉禾十日己酉大雨水此條日紀畧式部省獻異鳥雜  
放之紀畧係十四日癸丑詔曰朕聞佑下民者天也  
相上帝者君也君道得則天錫純嘏民心若則國或  
挺災朕以寡昧嗣守鴻基憂負重而春冰顧馭朽以  
秋駕只願返淳源於既遠舒景煦於方今家詠京抵  
之豐人誇鐘鼓之聲而誠難感徹道謝潛通行神矢  
和坎德爲沴去夏人民或坐爲魚今秋廬宅乍成涌  
川朕之不德萬姓何辜憂心悠悠將何以寄其使左

右京及五畿內無出今年調被災尤甚不能自存者  
有司量加賑恤俾安其居務班恩惠稱朕意焉十五  
日甲寅遣左右檢非違使廩給京師被水者二十四  
日癸亥駿河獻瑞草紫葉朱莖九月庚午朔日有食  
之九日戊寅以水災停節冬十月十一日己酉遣使  
奉幣香推八幡宮十三日辛亥地震二十六日甲子  
御禊戊辰晦大祓朱雀門十一月六日甲戌日無精  
光中有黑點大如李二十一日己丑地震二十三日  
辛卯大嘗十二月八日乙巳遣使奉幣大神宮十五  
日壬子遣使賑伯耆飢民給出雲飯石仁多兩郡百



姓徼一年二十五日壬戌給遠江城飼郡百姓徼一  
年是歲冬温

二年壬申春正月三日庚午天皇觀中宮於冷然院

七日甲戌御豐樂院覽青馬十二日巳卯諸衛府獻

效杖覽青馬始于仁明帝兼和元年卯杖始于持統

其為恒例可知二月三日庚子地震十九日丙辰播

磨言紫雲見二十日丁巳慧星西方見二十一日戊

午太宰少貳橋高宗獻白鼠三月丁卯朔日有食之

六日壬申賜左右近衛官人已下見直者物賑給京

師尤貧者七日癸酉近江獻椒魚八日甲戌遣使賑

給播磨飢民十一日丁丑詔諸大寺起四月一日迄

八月卅日讀大般若經以禳水旱永為歲事十二日

戊寅地震十三日巳卯敕洪範八政食居第一又殖

貨志云國無粟而可治者自古未之聞然則王政之

要生民之本唯在務農頃年諸國所告不堪佃其數

居多是由國郡官司不勅地利不重民命甚非所以

選擇良吏委付黎元凡治田勸謹則畝益三斗不勅

則損亦如是其種而小勑所損尚然况廢而不耕其

費更甚一畝之田可食一户一畝不耕一户受飢既

多不耕之地何少受飢之人古者州郡官長春出行

田若有不耕課而田之獲者公私平之是古人至重  
地利之意宜下諸道令曉此情國郡司等親自巡觀  
修固池堰催勸耕農力者褒而錄之懈者督而趣之  
十三日以下三代格十五日辛巳遣使賑河內若狹因幡三國  
飢夏四月八日甲辰遣使奉幣天下名神十八日甲  
寅地震五月五日辛未停騎射走馬二十七日癸巳  
大和言紫雲見是日甘露降於京師樹大和越前加  
賀但馬因幡伯耆隱岐播磨長門並言甘露降六月  
三日戊戌地震十三日戊申遣使賑土佐飢秋七月  
十日乙亥遣使奉幣賀茂松尾稻荷貴布禰等名神

雨祈十三日戊寅免遠江城飼郡貢賦十九日甲申  
給肥前豐後貧民一萬六千餘口復二十七日壬辰  
遣使奉幣馬於廣瀨龍田社祈年是日六位以上借  
官物而身沒者盡從恩免二十八日癸巳暴風雨傷  
禾稼八月乙未朔奉幣大神宮祈止風雨十九日癸  
丑遣使奉幣越前氣比宮二十五日己未淡路言有  
牛產兩頭犢二十九日癸亥晦地震閏月甲子朔日  
有食之十二日乙亥大風發屋折木十六日己卯以  
廩院米賑京師被風災者二十二日乙酉地震二十  
七日庚寅大雨二十九日壬辰分遣使者奉幣賀茂

松尾等社祈晴九月八日辛丑地震冬十月五日丁卯地震遣使奉幣五畿七道諸神賽宿禱十八日庚辰地震有聲如雷十一月七日己亥地震十二日甲辰遣使奉幣丹波麻氣社十二月二十六日丁亥敕五畿七道諸國讀金剛般若以禳疫神

三年癸酉春正月十三日甲辰地震十五日丙午又

震此條類十七日戊申停大射十八日己酉停賭射

諸本脫停字今據類聚國史紀畧補之二月二十日庚辰移自東宮幸

梨下院制曰利國通規公謙爲本安民茂躅損挹厥初朕薰腴未施化迹仍踈恐黎氓之不親望列辟以

慙德而今所生男女皆當享封爵之重疏湯沐之用思其煩費內以忸怩竊見乃祖聖皇貽厥之謀除親王之號賜朝臣之姓奕代相沿已爲成式誠宜陶聖風而長扇共源氏而混流但前號親王不在此限同母後產亦復一例慶雲之惠旣無愛憎若樹之華更有濃淡蓋以域中大寶在屈已以利人天下至公欲損上以益下普告中外咸俾聞知庚寅晦幸冷然院遂幸右大臣藤原良房第覽櫻花是月京師畿外庖瘡流行死者衆三月十八日戊申地震二十二日壬子延一百僧於大極殿轉讀大般若經三日以禳災

政  
疫二十七日丁巳以穀倉院勅鹽給京師患炮瘡者  
夏四月二日壬戌地震十日庚午遣使大神宮祈災  
疫十八日戊寅無品成康親王薨二十五日乙酉以  
炮瘡流行人民疫死停賀茂祭遣使告謝之二十六  
日丙戌詔曰皇王建極而蔽貴其頌時聖哲凝規宣  
風欲其應節故能裁成庶物覆燾之德克隆光宅八  
挺全濟之功斯遠朕以寡德忝統鴻基吁日勿休乙  
夜忘寢非貪四海之富非念九重之尊只欲導仁壽  
以寘群生息勞役以安萬姓而誠欵未申咎徵斯應  
炮瘡之疫流行薦瘥之嗟競起當春夏陽和之時草

木皆有以榮而吾百姓疾病或陷於死亡朕之不德  
撫育乖方憂揚之誠罔知所濟月令春夏下寬大之  
令頒德化之政以順天常以救災變有司務修職任  
欽奉時訓罪疑從輕賞疑從重貴埋醫掩骸之仁崇  
養老矜孤之德可大赦天下但常赦所不免者不在  
赦限今天下州郡勿輸羨和十年以往調庸未進優  
徭百姓息當年徭十日其疾病者長吏親自巡視量  
給醫藥諸所極贍務令優速庶隱恤之旨致感草於  
上玄仁貸之風蠲凶札於中壤五月五日甲午以災  
疫停騎射走馬十一日庚子詔十七寺讀大般若經

三日以禳災疫十三日壬寅詔太宰府讀大般若經  
於觀音彌勒兩寺四王院香椎廟管內國分寺二十  
一日庚戌太宰府上言壹岐島女子一產三子賜正  
稅稻三百束二十二日辛亥詔美濃出穀二千一百  
斛給患炮瘡者六月四日癸亥一品太宰帥葛原親  
王薨秋七月四日癸巳地震十五日甲辰又震十八  
日丁未奉幣太神宮以禳災沴二十二日辛亥地震  
八月己未朔西京失火延燒百八十餘家十日戊辰  
給伯耆百姓徭一年二十四日壬午地震九月戊子  
朔大風發屋拔木九日丙申天皇不御南殿賜侍臣

葡萄酒以有災不舉樂十四日辛丑詔太宰府賑穀三  
萬八千餘石於管內患炮瘡者冬十月二日己未地  
震虹見於大政官廳前十六日癸酉免安藝佐伯山  
縣沙田三郡今年徭役十一月十三日己亥地震十  
二月八日甲子以陰陽寮奏令諸國郡及國分二寺  
據陰陽法每年鎮害氣

齊衡元年甲戌春正月丙戌朔以泥濘停朝賀十七  
日壬寅停大射十八日癸卯停賭射二十八日癸丑  
覲於中宮二月十三日戊辰詔大和修灌頂經法以  
禳災疫十五日庚午以尾張河溢詔復課口三分之

一二十日乙亥遣使賑丹後飢三月二十三日丁未  
石見飢以不動稻三萬五千束賑之是春天寒殞霜  
夏四月三日丁巳分遣僧於七道諸國各神社轉讀  
般若以祈民福十三日丁卯天皇移自梨下院御冷  
然院二十六日庚辰尊皇太后曰太皇太后皇太夫  
人曰皇太后給肥前豐後窮民九十餘人後一年二  
十八日壬午陸奧奏去年不登百姓困窮兵士逃亡  
已乞乞成今虎狼之類爭事強盜逆亂之萌近在目  
前請發援兵二千以備不虞敕許發一千五月五日  
戊子停騎射走馬十五日戊戌敕陸奧賑給穀一萬

石於俘夷十七日庚子地震是月甚寒山北微雪六  
月十三日丙寅左大臣兼左近衛大將源常麁癸未  
晦地震秋七月甲申朔日有食之二十三日丙午石  
見言醴泉出三日涸二十七日庚戌遣使大神宮豫  
鎮風雨是日大風雨洪水八月癸丑朔地震二十八  
日庚辰以右大臣藤原良房兼左近衛大將大納言  
源信兼右近衛大將皇太子傳如故皇太子以下補任九月  
二十日壬寅地震二十三日乙巳罷大納言源信右  
近衛大將以大納言藤原良相兼右近衛大將二十  
九日辛亥給陸奧百姓後一年冬十一月三日甲申

地震二十二日癸卯又震辛亥晦詔曰上誓帝載下  
酌皇流莫不鍾靈既以開元割神符以改號者近來  
石見國上醴泉味寫濁醪狀凝芳醴雖朕之不德讓  
而弗怡然天意若曰使兆民賴之亦是宗社降靈俊  
又在官之所致豈其爲身而有顯辭也有司宜擇吉  
日告宗社又改仁壽四年爲齊衡元年授位賜物准  
例冀欲使曠代禎符及萬邦以共慶隨時德政遂五  
帝而齊衡十二月十三日甲子詔諸國奉幣諸神告  
瑞

二年乙亥春正月壬午朔以泥濘朝賀十停五日丙

申陸奧請加發援兵二千以備倭囚之變許之二十  
二日癸卯天皇御新殿觀賭射京師多盜救搜索之  
二十七日戊申陸奧復請加援兵二千敕曰夫邊要  
之寄安危攸繫慎微慮萌理固宜然但時臨農要人  
競耕稼而多動士衆遠行屯戍恐懷患役之嗟終之  
如歸之志凡用兵之道未必貴多苟奮其力一以當  
千宜簡拔近城兵一千人和誘其心精練其武能守  
衝要以備機急又知騷擾之由發於飢困故賜賑給  
料糶一萬斛事須不論民倖務加優恤開以恩惠慰  
其窮窘二月三日癸丑長星東北見十三日癸亥備

中言吉備津彥名神庫內鈴鏡一夜三鳴是日禁京  
畿隱首括出附帳是日以下  
三代格十七日丁卯詔右大臣  
藤原良房參議刑部大輔春澄善繩少外記安野豐  
道等修國史十八日戊辰召一百僧於大極殿轉讀  
大般若經三月十七日丙申大風雨夏四月二日庚  
戌地震七日乙卯遣使奉幣吉備津彥名神十日戊  
午禁私養鷹鷄是月大寒頒霜閏月十四日壬辰有  
狐走過御前天皇射而獲之十五日癸巳大雨水十  
九日丁酉遣使賑給相模飢二十三日辛丑祈晴丹  
生川上雨師社是月左右馬寮馬疲死殆盡五月五

日壬子以寮馬多斃停騎射走馬十日丁巳地震十  
一日戊午又震二十三日庚午東大寺奏大佛頭自  
墮六月戊寅朔日有食之六日癸未震於建禮門前  
桺樹七日甲申遣參議藤原氏宗東大寺以檢察大  
佛二十一日戊戌地震二十五日壬寅又震二十六  
日癸卯敕太宰府檢括浪人此條三  
代格秋七月丁未朔  
紀伊守紀真高献耳露二十六日壬申地震八月丁  
丑朔又震二日戊寅又震十日丙戌兵庫鼓自鳴二  
十五日辛丑地震長門言牛產兩頭犢九月七日癸  
丑有狼入東宮害人九日乙卯地震十日丙辰又震



十一日丁巳大雨十九日乙丑地震二十日丙寅又  
震二十八日甲戌命天下許施米錢於東大寺二十  
九日乙亥地震冬十月三日戊寅又震十九日甲午  
復出羽窮民一萬九千餘口十一月十五日庚申地  
震十二月十二日丁亥又震

三年丙子春正月乙巳朔以雨停朝賀十七日辛酉  
停大射二月十八日辛卯延一百餘僧於大極殿及  
冷然院分讀大般若經二十日癸巳地震二十一日  
甲午又震三月三日丙午雨雹二十一日甲子天皇  
受兩部灌頂於僧圓仁天台座主記是月地震震京

師城南屋舍壞佛塔頽夏四月癸酉朔地震二日甲  
戌又震八日庚辰駿河言耳露降二十二日甲午制  
五世王服色准諸臣辛丑晦虹見於辨官廳前五日  
五日丙午停騎射走馬九日庚戌延二百五十僧於  
大極殿冷然院賀茂松尾社讀大般若經三日以禳  
災疫二十八日巳巳雨水六月壬申朔地震二日癸  
酉又震十四日乙酉延二百六十餘僧於東西及延  
曆崇福等十四日寺讀新寫大藏經各三遍限七日  
秋七月辛丑朔遣使奉幣諸社祈雨十一日辛亥越  
中言旱十六日丙辰地震十七日丁巳雨十八日戊

午地震二十日庚申若狹言旱二十四日甲子詔試  
諸沙彌讀經度及第者二十八日戊辰地震八月辛  
未朔特遣使神泉苑試諸持咒度有驗者七日丁丑  
冷然院八省院太政官廳前同時虹見八日戊寅安  
房言天雨黑灰十九日己丑狂人闖入近衛陣射殺  
之九月二十一日辛酉地震二十二日壬戌讀金剛  
般若經於賀茂松尾社三日二十五日乙丑地震冬  
十月地震數震十一月庚子朔又震二日辛丑又震三  
日壬寅天皇受晉書於刑部大輔春澄善繩十四日  
癸丑地震十八日丁巳御池水黑數日後二十二日

辛酉遣權大納言安倍安仁等於後田原山陵告將  
配天二十三日壬戌大掖新成殿二十五日甲子有  
事於河內交野郡柏原野圓丘十二月庚午朔日有  
食之十日己卯地震二十七日丙申常陸言木連理  
二十八日丁酉美作獻白鹿放神泉苑

天安元年丁丑春正月庚子朔以陰雨停朝賀十四  
日癸丑雨十七日丙辰天皇不觀大射是日敕造新  
曆十九日戊午御新殿觀賭射二十六日乙丑曲宴  
按類聚國史歲時部子日曲宴及紀畧平城大同三  
年嵯峨弘仁四年五年八年淳和天皇八年並有正  
月曲宴然不揭子日之稱且不載其為恒式而本書  
此條書昔者上月必有此事時謂之子日熊今日之

宴修舊迹此則恒例也故此後不書

二月十九日丁亥以右大臣藤

原良房為太政大臣罷左近衛大將罷以下大納言

源信為左大臣兼皇太子傳如故大納言藤原良相

為右大臣兼右近衛大將如故兼官如故補任二十日戊子

大雨二十一日己丑改元天安詔曰玄穹質暗効珍

符而不言皇王至公代神工而布德緬尋前載遵來

尚矣朕以寡昧纘守洪基垂拱巖節如履冰谷勞形

育物亭毒之仁永弘展敬奉貫徹之誠或缺不知幽

顯有何感通去歲冬中景貺荐委美作國貢白鹿一

頭色均霜雪自絕毛群性是馴良足稱仁獸不因仙

馭來在彤庭重彼遐齡毓于靈圃常陸國上言生連

理樹二也一郡山東西處森然分根合幹異體同枝

或相連其間一丈餘尺或交柯之上更挺好姿斯皆

書緹史而可傳替瑞圖而有慶朕之菲虛非可能致

唯由宗社垂祐朕眩叶贊今欲鍾此休徵不享獨美

施之惠澤徧及萬方宜免美作常陸二國百姓當年

徭役廿日就中瑞祥所出重以優矜若田郡調真壁

郡庸今年可輸並皆免之其畢得異蹄郡司坂臣全

繼叙正六位上賜物准例見著祥木吏民二人亦宜

量與爵賞又復天下黔黎今年之半徭伊勢大神宮

禰宜大物忌內人諸社禰宜及內外文武官把笏者  
賜爵一級但正六位上迴授一子如無子者宜量賜  
物五位以上子孫年二十已上者叙當蔭之階天下  
老人及僧尼百歲已上者賜穀四斛九十已上三斛  
八十已上二斛七十已上一斛鰥寡孤獨不能自存  
者量加賑恤孝子順孫義夫節婦旌表門閭終身勿  
事又令京畿及諸國將順春令埋街掩骼且夫隨時  
紀弭邦國之恒規因瑞建元古今之通典可改齊衡  
四年爲天安元年朕欲令犯辜滌瑕自新然而數赦  
爲害先聖攸禁所以肆眚之詔今日寂寥傳告遐邇

咸使知聞二十八日丙申廢齋院慧子內親王以無  
品述子內親王爲齋院是月地震三月七日甲辰  
延一百五十僧於冷然院新殿及大極殿轉讀大般  
若經三日十六日癸丑遣左右近衛兵衛檢非違使  
捕盜京南十八日乙卯遣六衛府舍人等捕盜平城  
二十五日壬戌遣使京南禁遏奸盜夏四月十五日  
壬午修百座仁王經會十九日丙戌以右大臣藤原  
良相兼左近衛大將大納言安倍安仁兼右近衛大  
將二十日丁亥地震二十三日庚寅復近江相坂關  
特置大石龍華二關五月丁酉朔日有食之五日辛

丑不觀射八日甲辰延一百餘僧於大極殿轉讀金剛般若經三日十一日丁未地震二十日丙辰地震二十九日乙丑晦霖雨洪水六月二十五日庚寅太宰府上言對馬島上縣郡擬王帳卜部川知麻呂下縣擬大領直浦主等圍守立野正岑館行火射殺正岑及從者防人參河上言廳院東庫振動秋七月十六日辛亥下制太宰府宥對馬島為賊誑誤及無罪死獄者妻子十九日甲寅虹見於冷然院北門東掖二十四日己未地震響如雷是月東南西北兩角有聲如雷八月十四日戊寅天昏如霧十五日己卯藻

壁門自頽九月九日癸卯以旱不御南殿不舉音樂二十五日己未地震冬十月八日壬申雨九日癸酉地震十二日丙子覽御馬賜侍臣各一匹十三日丁丑雷雨十五日己卯遠江言木連理是日白雲竟天廣四尺許二十三日丁亥夜女盜入藏殿取服御物捕下檢非違使二十四日戊子陰陽寮行鼓自鳴三十一月二日乙未陰陽寮行鼓又自鳴七日庚子遠江言木連理十二月十八日辛巳雷二十二日乙酉又雷  
二年戊寅春正月甲午朔以雪停朝賀五日戊戌陰

陽寮漏刻鼓自鳴十七日庚戌停大射十八日辛亥  
停賭射十九日壬子參河言木連理二十八日辛酉  
暴風大雨二月九日壬申越後言木連理十日癸酉  
賭射十五日戊寅修百座仁王會十七日庚辰筑後  
高良玉壘神社火二十二日乙酉遣使搜捕京中群  
盜閏月十三日乙巳雨雹二十四日丙辰肥後言菊  
池城院兵庫鼓自鳴二十五日丁巳又鳴按丙辰肥  
奏至之日書之下書丁巳又鳴直係其日未詳  
姓殺守立野正峯者於刑官鞠讞其罪三月十五日  
丙子令相模人滋野安成講老子莊子於侍從所是

日始召諸司諸別所能書者於常寧殿寫般若理趣  
經百卷二十三日甲申地震二十八日己丑無雲而  
雷夏四月壬辰朔日有食之二日癸巳以刑部大丞  
石川宗主大錄難波清宗等矯官宣作省符放免罪  
人佐伯宮人等下刑官鞠罪六日丁酉雨雹大如碁  
子九日庚子夜寶皇寺火十一日壬寅空中有聲如  
雷是日頒遣使者奉幣諸大神社以祈國家二十三  
日甲寅地震二十四日乙卯大舍人寮火五月三日  
癸亥始置漏水於侍從殿正院外漏刻十一日辛未  
廢侍從殿漏刻十五日乙亥大水二十一日辛巳大

雨二十二日壬午大雨洪水河溢橋斷東堀川水侵  
冷然院左衛門陣直廬漂流左右京溺死者多二十  
六日丙戌地震無雲而雷二十七日丁亥有流星長  
一丈許遣使巡檢而京水害二十八日戊子無雲而  
雷遲明有星入月魄中二十九日己丑出穀倉院穀  
二千斛民部廩院米五百斛大膳職鹽二十五斛賑  
給左右京被水窮民六月七日丙申和泉言雷震破  
公私廬舍殆百宇損田苗二十許町人死傷大木碎  
十日己亥有流星大如月色青赤經天西落空中有  
聲如雷十一月庚午有白雲自艮巨坤時謂旗雲十

三日壬寅地震二十日己酉太宰府言去五月一日  
大風暴雨九國二島盡被損傷肥後菊池城院兵庫  
鼓自鳴不動倉十一宇火二十一日庚戌大霧無雲  
而雷大風秋七月五日甲子武藏獻白雉十二日辛  
未祈雨乙訓水主貴布禰等神十九日戊寅雨二十  
七日丙戌大雨八月四日壬辰若狹言兵庫鳴聲如  
鈴十九日丁未有雲竟天二十三日辛亥天皇不豫  
二十四日壬子皇太子侍嘗藥公卿大夫候陣頭是  
夜歲星守牽牛二十五日癸丑親王公卿護夜東釣  
臺二十六日甲寅詔曰皇天無親惟德是輔人心有

隣惟惠是懷朕以寡薄忝臨太階豈將巖廊爲逸恒  
以億兆爲念而人澆俗薄誠淺偽深故知方者鈔趨  
辟者繁不能以仁義浸漉禮讓甄陶秋典日聞於惟  
幄弊罪相係于園室觸網屢校旣可矜傷宥過崇恩  
彌切心慮宜給此愷澤暢被毗鬱可大赦天下但常  
赦所不免者不在赦限是日大漸二十七日乙卯崩  
於新殿年三十二九月六日甲子葬於山城葛野郡  
眞原山陵謚文德天皇後改陵名田邑置守陵四戶  
世稱田邑帝負觀二年置國忌於西寺改陵名以下  
三代實錄  
天皇自登宸極垂心政事性甚明察能知人姦專思

昇平之化不好巡幸遊覽仁壽齊衡之間頻得嘉瑞  
以薦陵廟至于禁網漸密憲法頗峻天下以爲明帝  
察察官署屢聞遷除之事吏人還懷廢罷之憂而聖  
體羸病頻廢萬機撫運不長在位已短天之降命蓋  
有數歟



天保十己亥年三月十二日

卷二十五  
子二十五  
卷異所謹書寫之

中村萬喜直道

大日本史卷二十七

本紀第二十七

權中納言從三位源光圀修  
男權中納言從三位綱條校

清和天皇

清和天皇諱惟仁文德帝第四子也母皇后藤原氏

嘉祥三年三月二十五日癸卯生於外祖良房一條

第十一月立為皇太子天安二年八月二十七日乙

卯文德帝崩即日皇太子踐祚公卿補位皇年代畧  
記作受禪今從大鏡

裏書一代要  
記歷代皇紀太政大臣良房左大臣源信右大臣兼

左近衛大將藤原良相大納言兼右近衛大將安倍  
安仁並如故二十九日丁巳與皇母藤原氏遷東宮  
供奉諸衛環甲是夜有星入紫微宮赤如炎火長十  
許丈九月三日辛酉月中有黑色須臾赤如血六日  
甲子葬文德天皇七日乙丑詔曰斯年之過密雖從  
易月之制率土黔黎須有心喪宜禁飲宴作樂美服  
八日丙寅諸衛解嚴十四日壬申夜宮中有聲如雷  
二十二日庚辰地震二十九日丁亥有流星從東南  
西北行隕處有聲如雷冬十月戊子朔日有食之六  
衛府見直者賜絹綿有差八日乙未陰陽寮漏刻銅

器自鳴十一月七日甲子天皇即位於大極殿年九  
歲尊皇母藤原氏爲皇太夫人太政大臣良房攝政  
太政大臣以下  
大鏡補任要記九日丙寅地震二十一日戊寅罷右  
近衛大將安倍安仁以中納言源定兼右近衛大將  
二十五日壬午詔改前中宮職爲皇太子宫職二十  
六日癸未依左京職奏罷進鍛冶及百濟品部戶帳  
是月停平野春日大原野園韓神鎮魂新嘗等祭十  
二月戊子朔宴親王以下侍從以上及非侍從於右  
伏願賜物有差八日乙未罷贈皇后高志內親王忌  
九日丙申始定十陵四墓奉年終荷前幣十日丁酉

改真原陵爲田邑陵十三日庚子地震是歲武藏陸  
奧大水下野大風出羽霜雹加賀水旱出雲秋寒  
貞觀元年己卯春正月戊午朔以諒闇不受朝二十  
一日戊寅美濃言紫雲見二十二日己卯筑前志摩  
郡兵庫鼓自鳴弓矢有聲二月丁亥朔遣使奉幣伊  
勢及五畿七道諸神告即位十一日丁酉有赤黃白  
氣繞日形如車輪十七日癸卯以長門醫師海部種  
麻呂爲採銅使二十七日癸丑敕諸國修理神社三  
月丁巳朔遣使宇佐宮奉幣帛財寶神馬等以告即  
位三日己未停御齋燒燈夏四月丙戌朔日有食之

七日壬辰賑武藏下野陸奧出羽加賀出雲十五日  
庚子改元貞觀詔曰朕聞自古體元居正者運殊根  
莢事別沿革一作聲莫不改正朔變徽章以易民之  
視聽也故能皇流不測萬朝酌而不厭帝系無涯千  
載沿而無際方今春忠已達夏德爲叙衆鳥調翼而  
始飛百花成實而新結見候物之如此知闕元之所  
宜其改天安三年以爲貞觀元年將使皇猷正一被  
群品以用全寶曆延長均兩儀以年遠二十八日癸  
丑鑄饒益神寶錢詔曰書稱科斗篆籀之訓斯彰簡  
號葦編交易之方日遠是以姜公通市井之貨齊國

大強鵠夷善發歛之居陶業爰盛遠則赤側白金近則鵠眼綻環順世而異名逐時而興利但權輕作重子去毋隨誠是歷年之漸深遂知行用之彌賤宜改舊幣更制新錢勒此變通救彼流弊文曰饒益神寶一以當舊之十。舊之與新並令雜用五月十日乙卯丑渤海入貢以諒闇留其使於加賀十三日戊辰備前獻白雀十七日壬申雷電雨雹六月乙酉朔大水二十二日丙午大風雨折木發屋秋七月十三日丙寅詔諸國修部內諸寺十四日乙卯奉神寶幣帛於名神大社十九日壬申震內教坊柳樹二十七日庚

辰地震二十八日辛巳河內言木兩岐是月雅院櫻華京師李華八月三日丙戌遣使修祭於吉野郡高山厭螟螣四日丁亥下野言木連理八日辛卯地震罷諸國年貢鷹九日壬辰以自五月至是月雨不止遣使丹生河上雨師社奉幣帛青馬祈晴十二日乙未大風雨壞民舍十三日丙申禁諸國司養鷹鷄九月三日乙卯以將大嘗停御燈潔齋四日丙辰奉幣賀茂松尾等六社祈晴八日庚申奉幣畿內四十六社祈止風雨九日辛酉以忌月猶近停重陽節賜群臣菊酒於右伏頭是日大風雨發屋折木十四日丙

寅地震十八日庚午大風雨冬十月癸未朔日有食  
之五日丁亥卜定怡子內親王為齋宮儀子內親王  
為齋院七日己丑遣使諸國頒幣神祇賽前月禱有  
年十五日丁酉東南雲中赤光如電二十一日癸卯  
御襖二十八日庚戌上野獻嘉禾以鑄錢司所進新  
鑄錢奉名神諸陵及頒賜親王已下二十九日辛亥  
晦地震十一月十日辛酉修梅宮祭按梅宮祭前無  
所見本書此條  
書祭如常然則先是既有此祭而原始未詳公事根  
源曰始于兼和年中而續日本後紀文德實錄並不  
見蓋今本闕畧或有脫簡姑書之以十二日癸亥地  
備考年中行事曰始於元慶二年誤

震十六日丁卯大嘗二十三日甲戌大雨雪十二月

二十七日戊申詔決太政官論奏罪人多所原宥是  
歲祠八幡大神於男山按皇代畧紀要記為二年今  
從石清水緣起愚管鈔元亨  
書釋

二年庚辰春正月壬子朔以雨不受朝御前殿賜宴  
侍臣二月十日辛卯天皇始讀孝經夏四月六日丙  
戌殞霜殺草十一日辛卯颶風起外記候廳前旋轉  
西行小蟲無萬數飛散其中十九日己亥詔使天下  
僧尼誦佛頂尊勝陀羅尼日二十一遍祈國祚以為  
永例二十二日壬寅地震二十九日己酉晦講仁王  
經於京師及諸國凡百座高五月五日甲寅地震雷雨

雹停端午節駿河言富士山五色雲見十八日丁卯  
地震雷雨雹六月三日壬午大水自五月雨至此十  
六日乙未以不豫遣使近京諸寺修轉念功德十七  
日丙申地震二十二日辛丑又震二十五日甲辰又  
震二十九日戊申以土左播多郡地一十町給施藥  
院秋七月十四日壬戌地震十七日乙丑又震二十  
一日己巳大風雨二十四日壬申地震有流星起東  
北沒西南光燭地八月二十四日辛卯參河獲銅鐸  
於渥美郡村松山中而獻之高三尺四寸徑一尺四  
寸二十七日甲辰始修先帝國忌於西寺所司廢務

有流星起南方沒西北光燭地是夜盜入神祇官西  
院齋戶神殿竊三所齋戶衣及象輿結御魂緒一作結  
等丁未晦雨水九月七日甲寅地震九日丙辰停重  
陽節十四日辛酉大風折樹發屋十五日壬戌風雨  
不止京師大水諸國海溢人畜多死二十日丁卯攝  
津言本國近京雜務繁多疲弊不休黎民減少所存  
土人浪人皆稱王臣家人無畏國吏不遵郡司強加  
追喚爭致鬪亂須科拒捍罪而紫點不伏望請依法  
決罰敕從之並宜諭畿內准此此條三冬十月丁丑  
朔日有食之七日癸未地震八日甲申以馬多傷農

廢大隅吉多野二牧二十一日丁酉敕禁諸國私畝  
獵此條三閏月丁未朔地震二十日丙寅雨雪賜五  
位以下及諸衛府宿直者綿有差二十三日己巳地  
震十一月丁丑朔日南至公卿表賀天皇御前殿賜  
飲侍臣十六日壬辰詔曰皇天無親以萬物爲芻狗  
聖人無心以百姓爲耳目是以資生無涯不言之化  
克隆樂推不厭無爲之業長逸朕以眇眇之身託萬  
民上涉道已淺衆奔危懷但賴群公卿士盡力黃翼  
朕躬迺者公卿奏言今年十一月朔旦冬至得天之  
紀終而復始連珠映五緯而懸芒合璧疊二離而摘

彩難理關恒筭而心感至仁朕之寡德何鍾斯祥肆  
思與天下共同休慶赦天下徒以下罪其門蔭久絕  
及初才早彰者特加榮辯式暢寵章内外文武官主  
典已上加爵一級在京正六位上諸吏及史生以下  
直下以上天下高年人等宜量賜物庶覃鴻霈於浹  
宇答靈眷於昊蒼是夜烈風雷雨十七日癸巳風不  
止多壞廬舍二十六日壬寅賜親王以下及今月一  
日見直者物有差十二月四日己酉地震八日癸丑  
新修釋奠式頒下七道諸國  
三年辛巳春正月丙子朔以雨不受朝御前殿賜宴

侍臣九日甲申地震二十日乙未出雲言渤海使來  
二月乙巳朔日有食之七日辛亥薦先帝福召百僧  
於內殿讀金字大般若經三日三月乙亥朔殞霜十  
三日丁亥以防鴨河防萬野河二使隸山城是日使  
百官不食肉三日十四日戊子慶東大寺敕遣治部  
卿賀陽親王中務卿時康親王彈正尹本康親王中  
納言伴善雄等監二十五日巳亥重嚴制陸奧馬堪  
軍用者不論牝牡勿出國境此條三代格夏四月七日辛  
亥地震十四日戊午空中有聲如雷二十五日巳己  
以皇弟惟恒為親王皇妹禮子為內親王行有富子

淵子並賜姓源朝臣五月十三日丙戌地震十五日  
戊子奉幣京名神七社二十日癸巳地震六月甲辰  
朔除大中臣中臣兩氏絕戶及無身戶帳以絕冒蔭  
之奸三日丙午無雲而雷九日壬子以去年水後伯  
耆八橋汗入會見日野四郡二年十六日巳未行宣  
明曆二十日癸亥伊勢朝明郡人一產三子賜稻三  
百束二十二日乙丑天寒霧二十三日丙寅地震二  
十八日辛未御前殿觀童相撲右大臣兼左近衛大  
將藤原良相大納言兼右近衛大將源定為左右首  
既罷奏音樂雜伎散樂透撞咒擲弄玉等戲儀如相



撲節二十九日壬申又御前殿觀之儀如昨日秋七月十一日癸未大風雨八月十六日丁巳使大學博士大春日雄繼講論語十七日戊午地震越前飢饉長門去年大疫賑給之詔諸國寫尊勝陀羅尼藏寺塔心柱二十七日戊辰空中有聲如雷是月京師梨李華或實人患赤痢幼者多死冬十月四日甲辰遣使奉幣大神宮二十四日甲子御前殿召諸衛府及右馬寮五月競馬輸物奏樂親王以下賜物有差按中行事引六年十月二十一日為始然於十一月十北既見每年繼書則年中行事失考也十一月十六日丙戌以凶猾為盜置檢非違使於武藏郡各一

人

四年壬午春正月庚午朔以雨不受朝十一日庚辰地震二十五日甲午又震二月十六日乙卯以去年風水隕霜傷稼後出雲出雲大原二郡課役一年十七日丙辰地震二十五日甲子又震三月十六日甲申東方有聲如雷十九日丁亥雨雹二十八日丙申地震夏四月二日庚子大雨河溢十一日己酉免大和左京絕戶應削籍者六百十二烟編戶如舊十五日癸丑詔曰朕聞自古聖明之君以堯舜為稱自然猶諫鼓謗木設之朝又俾大禹臯陶盡其謨訓蓋以

萬機之盛非廣詢難以興功四海之尊非下問無以  
成化也朕以童州嗣守鴻基器謝狗齋業慙迪哲寶  
賴賢輔之保化將以拱已而仰成然運接百代之叙  
末時遇萬邦之凋殘即位以還五年于茲徒聞府帑  
空竭經用不支貢賦通懸吏人嗟毒未得所救之要  
術昔神農氏世衰天下倒懸黃帝代以脩德即隆垂  
衣之化殷暴辛政亂百姓塗炭周興成康之時至刑  
厝而不用是以古不常淳今不常薄唯在君臣善惡  
政教得失而已若能群臣大小戮力傾心務求政美  
匡拂朝家訓導黎庶則國富刑清時和歲阜醜變爲

連

撲僞反爲真即東戶李子之代遂何遠之有矣宜參  
議已上各論時政之是非詳世俗之得失傷化害人  
不便於時者節用謹度當利於國者並盡昌言以沃  
朕心勿爲華飾勿有隱諱五月四日辛未免大和右  
京絕戶百七十九烟六日癸酉天皇御武德殿觀馬  
藝雜戲儀如端午十六日癸未地震二十日丁亥以  
海賊公行奪備前貢米殺網丁使山陽南海二道追  
捕之二十三日庚寅彼美濃土岐惠奈二郡一年六  
月十六日癸丑地震十八日乙卯以霖雨賑京師飢  
民秋七月二日己巳常陸河內信太鹿嶋那賀多珂

五郡頻年水旱疾疫給彼二年五日壬申御前殿觀  
童相撲儀如去歲十六日癸未改六月十五日相撲  
節爲七月上旬二十一日戊子地震二十七日甲午  
又震八月丁酉朔日有食九日乙巳但馬言慶雲之  
見十五日辛亥熨力田檢和泉和泉郡白丁川枯言  
括吉  
守位一階九月十五日辛巳地震是月京師井竭十  
七日癸未敕聽汲神泉苑水二十一日丁亥地震二  
十四日庚寅又震二十七日癸巳美作獻白鹿二十  
九日乙未晦地震冬十月二日丁酉免大和右京絕  
戶應除籍者三百烟九日甲辰地震二十八日癸亥

又震十一月三日丁卯地大震十一日乙亥遣使奉  
幣大神宮十二月十六日庚戌地震二十六日庚申  
大雷雨二十七日辛酉地震

五年癸未春正月甲子朔以雨不受朝御前殿賜宴  
侍臣三日丙寅大納言兼右近衛大將源定薨十日  
癸酉雷雨二十一日甲申以去冬以來京畿内外咳  
逆流行貴賤多死停内宴修法雅院七日二十七日  
庚寅大赦於御在所及建禮門朱雀門以禳災疫賑  
京師饑困疾病二月甲午朔遣使大和吉野郡高山  
修祭禳蟲二日乙未以穢大赦朱雀門三日丙申以

觸穢人入禁中停春日祭四日丁酉停祈年祭是日  
地震七日庚子禁談峯墓四履之內百姓伐樹放牧  
十日癸卯中納言藤原氏宗兼右近衛大將皇紀要  
記係正  
月今據十四日丁未大風壞民廬舍十六日巳酉日  
補任  
初出白無光月初出赤如丹二十一日甲寅賑給大  
和和泉飢疫三月二日甲子空中有聲如雷四日丙  
寅頒幣天下名神賽禱疫九日辛未遣使奉幣大神  
宮十五日丁丑隕霜詔天下曰乃者陰陽察勅奏狀  
倂檢卜筮今茲可有天行之疫豫能修善可防將來  
者如以春雨未遍水泉涸乏思民與歲忘寢與食夫

銷禍者能仁無上之法招福者大衆不二之德宜仰  
諸國以安居中講說經王自詔到日比及秋收至心  
堅固專念轉讀庶幾增神威於自在保寶祚於冥助  
黎民無疫癘之災農功有豐稔之嘉凡功德之道誠  
信爲本仍須長官親檢校勅允睿慮必期靈應不得  
踈略是日申禁諸國牧宰私養鷹鷄二十三日乙酉  
使百餘僧轉讀大般若經於內殿中宮神泉苑三日  
夏四月十一日癸卯天寒大風十四日丙午地震是  
月霖雨五月二日甲子以下野准大國例免四十九  
戶六日戊辰停騎射節七日巳巳天寒隕霜二十日

壬午先是民間修御靈會以今歲疾疫朝廷爲祈是日修會於神泉苑賽之敕遣左近衛中將藤原基經右近衛權中將藤原常行監之二十二日甲申御雅院召見御靈會舞童雅樂寮奏樂六月十七日戊申越中越後地大震山崩水涌壞民廬舍壓死者衆二十一日壬子後美濃土岐惠奈二郡百姓課役一年閏月二日癸亥大和言五色雲見九日甲午地震十九日庚辰有流星西行二十一日壬午賑京師飢秋七月辛卯朔日有食之二日壬辰使參議春澄善繩神祇少副大中臣豐雄等禱伊勢大神於大極殿以

禳星變四日甲午奉幣諸名神二十一日辛亥大風折樹發屋二十七日丁巳敕以新錢一千貫中宮鐵一千錠施東大興福等十七寺二十九日己未囚獄司著欽囚三十人脫禁逃竄八月三日癸亥下諸國追捕逃囚八日戊辰地震十一日辛未朝日無光十二日壬申日又無光二十三日癸未兩京及諸國貢舉位子自今而後勘三比籍九月八日丁酉地震冬十月庚申朔雷雨十五日甲寅大風雷雨十七日丙子後出雲百姓課役一年十一月十二日壬寅地震先是丹後言細羅人五十四人漂泊因幡言新羅人

五十人漂泊給糧還之十二月六日甲子遣使奉幣大神宮十三日辛未飛驒言木連理

六年甲申春正月戊子朔天皇加元服是日太政大

臣良房罷攝政

是日以下大鏡裏書

三日庚寅御大極殿受拜

賀七日甲午尊皇太后為太皇太后皇太夫人為皇

太后賜諸社禰宜祝諸寺僧尼天下為父後者爵一

階賜高年鰥寡孤獨篤疾物大赦天下免百姓徭十

日二十五日壬子不聽諸國以不課口計戶口增益

之功二十八日乙卯後依舊出舉正稅減徵田租增

加民徭救許之二月十六日癸酉更定僧綱位階十

七日甲戌詔石見國司給新羅漂泊人糧遣還二十

一日戊寅伊勢言木連理二十五日壬子車駕幸太

政大臣良房深殿第觀花三月十四日庚子彗星見

于營室長四尺夏四月二十一日丁丑改定諸國貢

御馬期五月二十五日庚戌以霖雨賑恤京師飢病

駿河言富士郡淺間大神大神火六月二十三日戊

寅改定信濃牧貢御馬期秋七月乙酉朔日有食之

十日甲午遣使奉幣大神宮十七日辛丑令諸國班

幣境內大小諸神以祈穀二十三日丁未有星入羽

林東赤黃無光二十七日辛亥重敕五畿及伊賀伊

勢志奪遠江相摸上總修飾諸社是月加賀出雲疾  
疫九月四日戊子地震禁市籍人屬仕諸司諸家禁市  
以下三九日癸巳有星出紫微入昴長三丈餘十四  
日戊戌有星出奎婁間入外屏二十六日庚戌地震  
冬十月甲寅朔以不宜農蠶後出雲仁多飯石兩郡  
課役二年七日庚申夜北山有光如電朱雀門前有  
赤光長五尺許九日壬戌地震十二日乙丑又大震  
二十六日巳卯雷十一月四日丁亥敕停肥後大宅  
收十二日乙未以神祇官奏五畿內及山陽南海二  
道應有疾癘詔其國轉讀般若大衆十三日丙申疾

惑守巳二十二日乙巳以頻罹水旱後下總葛餅印  
幡相馬殖生猿鳴五郡調庸二年二十六日巳酉雷  
雨癸丑晦日有食之十二月十四日丁卯敕諸國傳  
士醫師除授業練道之外同史生以上汶公辭充調  
庸未進之數二十六日巳卯太宰府言十月三日夜  
肥後阿蘇郡健磐龍命神靈地震動沸騰水色如漿  
黏著草木經旬不消又比賣神嶺二神石額  
七年乙酉春正月癸未朔以雨雪不受朝賀三日乙  
酉是夜有星出天苑入東陳四日丙戌以去年陰陽  
寮奏明年應有兵疫天文博士奏應有兵事敕僧綱

使十五大寺讀大般若經所攝寺讀金剛般若經又  
下符諸國國分寺及定額寺讀大般若經各七日十  
四日丙申地震二十九日辛亥地震二月二日甲寅  
有星出東井入軫色白長二丈餘十日壬戌詔曰皇  
乾播德亭毒之功自高哲匠裁規撫臨之道斯廣是  
知致茂績於和平唯資惠愛驅黎元於富壽實在憂  
勞朕以庸虛恭兼緒業位雖尊於宸極化未洽於域  
中所以宵衣傷慮旰食兢懷欲使四海無凶札之嗟  
八荒絕烽燧之警然素情弗顯玄感猶賒孤負靈心  
招以變異去冬太宰府言肥後國阿蘇郡神靈池在

經淫雨而無增在允陽而不減而今無故沸騰衍溢  
他縣龜筮所告兵疫爲凶朕之中暇永谷最切夫脩  
德嫁禍既有前聞行善禳殃非無往鑒宜每寺薰修  
每社奉幣賴茲冥祐防彼咎徵又鰥寡孤獨不能自  
存量加優賑使得支濟又天安二年以往租稅未納  
皆勿詭責一從蠲除所冀至精廣被消霧露於無形  
潛衛旁通靜風塵於未兆布告遐邇俾知朕意令國  
司講師相與齋戒從符到日一七箇日禁斷殺生於  
國分寺定額寺轉金剛般若經又諸社長官潔齋奉  
幣又鰥寡孤獨不能自存者以救急義倉量給之十



四日丙寅遣使奉幣宇佐宮告肥後變異以祈消災  
十七日己巳遣參議大枝音人等於山階陵參議藤  
原良繩等於栢原陵權大納言藤原氏宗等於嵯峨  
陵大納言伴善男等於深草陵參議南淵年名等於  
田邑陵告肥後異以祈消災三月二日癸未制七道  
貢賦違期國司五位已上奪位祿六位已下奪公廩  
五分之一永以爲式二十二日癸卯地震二十七日  
戊申敕大搜宮中及諸司兩京夏四月三日癸丑殞  
霜五日乙卯禁中及諸司延僧受十善戒讀般若心  
經預禳疫十二日壬戌地震十七日丁卯遣使奉盾

矛鞞於石清水平野及太政大臣良房東京第社五  
月五日乙酉停端午節十日庚寅以拒命擾民下出  
雲國司押送浪人源永藤原興蔭等十四人入京二  
十四日甲辰先是左衛門獄著欽囚六人穿獄垣逃  
去於是大搜兩京二十五日乙巳大搜京邑六月庚  
戌朔日有食之十四日癸亥禁京畿七道託事御靈  
會私聚徒衆走馬騎射十六日乙丑大風雨壞舍折  
木秋七月十七日丙申大風雨折樹發屋八月二日  
庚戌雨水十七日乙丑以備後神石奴可甲努惠蘇  
世良三谿三次三上八郡連年旱疫四年之間每年

更復四郡課役二十一日己巳移御太政官曹司廳  
九月九日丁亥有星出卷舌入畢長三尺許十日戊  
子有星出墳墓入須女十一日己丑以御在所有穢  
停奉幣帛太神宮遣使告以事由十五日癸巳下彈  
正臺左右京職山城攝津伊賀近江丹波播磨等國  
禁材木短狹不中法及定載車數二十四日壬寅地  
震冬十月十七日乙丑令五畿七道自來月二日至  
七日禁殺生二十七日乙亥以天皇將遷御使百僧  
轉讀大般若經於禁中三日十一月戊寅朔地震二  
日己卯詔贈良吏正五位下道公首名從四位下四

日辛巳遷御仁壽殿十四日辛卯地震十五日壬辰  
又震十二月二日己酉地震九日丙辰以武藏早霜  
徼一年廢讚岐託磨牧阿波板野郡女一產三子給  
稻三百束二十四日辛未有星出奎婁北入土司空  
是歲武藏風雨

八年丙戌春正月戊寅朔不受朝五日壬午轉讀金  
剛般若經十卷般若心經萬卷於大安寺三日以資  
文德帝冥福二十三日庚子令五畿七道及太宰府  
轉讀金剛般若經七日以豫防災疫是日敕禁初仕  
進者燒尾荒鎮及責人求飲臨時群飲及拔除之日

諸衛府舍人求酒食責被物二十五日壬寅地震二十七  
日甲辰有星出織女入羽林二月七日癸丑以神祇  
官奏敕信濃國司講師轉讀金剛般若經一千卷般若  
心經一萬卷謝三和神部二神崇十日丙辰敕負觀  
六年正月七日詔復天下百姓徭十日而在諸國造  
兵司雜工戶猶役三十日司徵其料宜准詔旨同復  
十四日庚申以神祇官奏敕肥後國司轉讀金剛般若  
經一千卷般若心經一萬卷謝阿蘇大神崇以禳兵疫  
太宰府司轉讀金剛般若經三萬卷於四王院以厭之  
十六日壬戌敕遣僧於攝津住吉神

社轉讀金剛般若經三十卷般若心經三萬卷以厭  
兵疫以是歲穀價騰踊增定京邑沽價三月五日辛  
巳使僧轉讀金剛般若經於近京二十六寺大和香  
山長谷壺坂三寺三日八日甲申敕遣大安寺僧一  
如於筑後豐前豐後肥前肥後諸神社讀經二十一  
日丁酉殞霜二十三日己亥幸右大臣藤原良相西  
京第觀花閏月丙午朔幸太政大臣良房深殿第觀  
花五日庚戌地震十日乙卯應天門火延燒棲鳳翔  
鸞二樓十四日己未美作飢疫賑之十五日庚申晝  
營頭出室入紫微色赤黃二十二日丁卯以應天門

火百官大板會昌門前轉讀大般若經於崇德寺修  
四王秘法於梵釋寺各七日以厭災變二十七日壬  
申轉讀大般若經於河陽離宮六日夏四月乙丑朔  
停宴五日己卯轉讀金剛般若心經於近京十六寺  
及近江梵釋寺三日七日辛巳尾張阿波風澇民飢  
貸尾張正稻六萬束阿波八萬束以救民弊十一日  
乙酉遣使攝津國住吉神社奉神財下攝津和泉播  
磨備後安藝周防長門並南海道諸國曰近年再令  
追捕海賊而今有聞賊黨群起掠奪無息是則國司  
不勤肅清也若不搜捕猶致殘暴科罪牧宰曾無在

宥其捕獲之數具狀言上十四日戊子勅乃日應天  
門及東西樓觀火求之蒼龜猶見火氣自非神助災  
何以消宜令五畿七道奉幣境內諸神是日太政官  
廳南廊倒十六日庚寅以上筮告山城若狹應慎兵  
事使兩國警戒十七日辛卯下令太宰府曰廼者京  
師頻有怪異陰陽寮言隣國之兵應來窺安不忘危  
宜勤警固謹責豐前長門等國司曰關司出入理周  
過所而今唐人入京任意經過是國宰不慎督察關  
司不責過所之所致也自今以後若有警急必處嚴  
科十八日壬辰若狹言納印公文庫及兵庫鳴下國

司曰今月十六日宜告彼國戒慎兵事今言兵庫自  
鳴陰陽察言遠國之人當有來投兵亂天行成災相  
仍宜益警衛兼防災疫二十五日巳亥以太政官廳  
南廊顛仆轉讀金剛般若經於候廳三日二十六日  
庚子以應天門火轉讀仁王般若經於東西兩寺及  
五畿七道是月霖雨五月甲辰朔日有食之五日戊  
申停端午節八日辛亥伊賀飢賑之十七日庚申紀  
伊飢賑之十九日壬戌京師飢賑之使相摸武藏上  
總下總常陸選貢人長六尺三寸者二十一日甲子  
賜京師空閒地於民耕種以永業田二十七日庚午

備前旱疫以正稅十萬束假貸窮民六月甲戌朔伊  
勢因幡飢疫賑之四日丁丑敕禁僧侶飲酒及贈物  
七日庚辰地震遣權大納言藤原氏宗于山階陵謝  
陵戶伐樹九日壬午以旱使諸國奉幣境內諸神兼  
轉讀金剛般若經十三日丙戌武藏旱飢賑之十四  
日丁亥丹波獻白燕十六日巳丑地震十八日辛卯  
轉讀大般若經於大極殿三日以祈雨二十日癸巳  
志摩飢疫以尾張正稅穀賑之二十一日甲午遣中  
納言源融于田邑陵謝陵戶伐陵樹二十八日辛丑  
有星出奎入大陵先是大和言眉列陵守多伐陵樹

神祇官卜云炎旱之災實因之二十九日壬寅遣參議藤原良綱等謝之是月天下大旱民多饑餓京師水涸秋七月三日乙巳班幣宮城及京畿七道諸神奉馬於丹生川上雨師神以祈雨四日丙午遣使伊勢賑多氣度會二郡飢六日戊申遣使奉幣太神宮頒幣南海道諸神告應天門火兼祈消災異九日辛亥先是尾張言奉太政官符開廣野河口令趣故道而美濃各務郡大領各務吉雄厚見郡大領各務吉宗等以步騎七百來襲歐陽郡司射殺僕夫至是太政官下美濃令禁錮吉雄等兩國司錄死傷數亂首

以實言上十日壬子奉幣大神宮大鳥集大藏省藥倉十四日丙辰班幣賀茂松尾丹生河上稻荷水主貴布禰神賽前日禱備前旱飢賑之是日始賜僧最澄圓仁謚號是日以下高僧傳要文抄要記十六日戊午以陰陽寮言天下將有水疫使五畿七道頒幣部內諸神轉讀金剛般若經二十六日戊辰先是尾張言各務吉雄吉宗等又率步騎數百壞倉拔河運沙石塞河口欲發兵擊之恐構二國之際暫停開河以待裁下是日下美濃推糺吉雄等之罪八月二日甲戌下總旱飢賑之三日乙亥備中史生大宅鷹取告大納言伴善

男及子右衛門佐中庸燔應天門七日巳卯敕參議  
南淵年名藤原良繩鞠問伴善男十五日丁亥地震  
十八日庚寅遣使諸山陵告應天門火十九日辛卯  
敕太政大臣良房再攝政二十九日辛丑囚伴中庸  
於左衛門府九月七日巳酉美作兵庫鳴聲如鉦鼓  
九日辛亥停重陽節二十二日甲子以隣賀茂御祖  
神社禁葬歛山城神樂園邊側之地是日伴善男及  
子中庸減死一等流于伊豆隱岐黨與緣坐悉處遠  
流二十五日丁卯遣權大納言藤原氏宗於栢原深  
草二陵告配流善男等冬十月壬申朔停宴是日敕

七道諸國警嚴八日巳卯備中哲多英賀二郡旱疫  
給復二年十四日乙酉遣權大納言藤原氏宗於山  
階陵參議南淵年名於田邑陵謝陵尸伐陵樹十九  
日庚寅地震二十日辛卯禁五畿七道國司廢人養  
鷹鶴二十五日丙申敕東大興福元興藥師西大大  
安法華延曆寺轉讀大般若心經於近京四十三  
寺以厭災禍十一月壬寅朔日有食之五日丙午有  
星出大畢抵大角入攝提七日戊申地震十七日戊  
午敕曰迺者怪異頻見求之蒼龜新羅賊兵常窺間  
隙災變之發唯緣斯事夫攘災未兆遏賊將來唯是

神明之冥助豈云人力之所為宜令能登因幡伯耆  
出雲石見隱岐長門太宰等國府班幣於邑境諸神  
以祈鎮護之殊効又如聞所差健兒統領選子等苟  
預人流曾無才器徒稱仇牙之備不異螻蛄之衛況  
彼不教之民何禦非常之歆亦夫十步之中必有勞  
草百城之內寧乏精兵宜令國府等勤加試練必得  
其人十二月八日己卯禁五畿內國輒開用不動敕  
十日辛巳地震十六日丁亥罷右大臣藤原良相左  
近衛大將以右近衛大將藤原氏宗為左近衛大將  
參議藤原常行兼右近衛大將二十五日丙申敕以

藤原須惠子為春日及大原野神齋

九年丁亥春正月壬寅朔不受朝十七日戊午二品  
式部卿仲野親王薨二十一日壬戌停內宴二十六  
日丁卯以神祇官陰陽寮奏天下應有疫令五畿七  
道轉讀仁王般若經及修鬼氣祭二十七日戊辰地  
震二月辛未朔又震三日己酉齋宮寮火延燒官舍  
十二十三日癸未是春饑饉畿內特甚盜賊群起劫  
人行火令國司每鄉結保督察十七日丁亥詔以米  
粗鹽錢賑東西京饑人二十六日丙申太宰府言正  
月二十日豐後鶴見山焚三池沸騰二十七日丁酉



敕左右近衛兵衛分番夜行京師三月十二日壬子  
曲宴皇太后於常寧殿賜官僚有差二十七日丁卯  
下五畿七道頃年搜捕海賊督察奸盜頒下數度警  
告稠疊而今如聞凶徒不絕侵盜尚繁水浮陸行皆  
憂賊害實是牧宰不勤肅清之所致也夫五家相保  
一人爲長以相檢察載在法條又容隱盜賊科罪非  
輕然則事須隣伍內必置保長察以行來詳以去就  
其市津要路人衆猥雜之處勒施方畧多設偵邏募  
以捕獲之賞示以容舍之事使奸濫之徒無所留跡  
夏四月二日辛未遣使奉弓箭鈴鏡於近江伊福岐

神三日壬申使豐後鎮謝鶴見山火男火賣二神兼  
轉讀大般若經二十二日辛卯以穀價騰躍內外饑  
饉東西京始置常平所減價糶官米是月霖雨五月  
己亥朔日有食之三日辛丑班幣畿內諸神祈晴四  
日壬寅大雨洪水五日癸卯停端午節十日戊申令  
諸司官人已下雜色以上讀般若心經是日敕禁畿  
外吏民貯錢十三日辛亥地震二十六日甲子造八  
幅四天王像五鋪下伯耆出雲石見隱岐長門各一  
鋪下國司曰彼國地在西極界近新羅警備之謀當  
異他國宜歸命尊像勤誠修法調伏賊心消却災變

仍須點擇地勢高敞瞭瞰賊境之道場若素無道場  
新擇善地建立仁祠安置尊像諸國分寺及部內練  
行精進僧四口各當像前依最勝王經四天王護國  
品晝轉經卷夜誦神咒春秋二時別一七日清淨堅  
固依法薰修自前月雨至是月京邑人多病死六月  
丁酉晦地震七月二十二日己未以美作大庭真島  
二郡在山谷間民貧復其課役一年二十四日辛酉  
星晝見二十五日壬戌地震八月六日壬申太宰府  
言五月十二日肥後阿蘇郡健磐龍神所坐山崩廣  
五十許丈長二百五十許丈八日甲戌使豐後鎮謝

之十四日庚戌地震二十五日辛卯又震丙申晦大  
雨九月六日壬寅地震十一日丁未奉幣賀茂松尾  
稻荷費布禰丹生川上住吉水主大神長田乙訓等  
神社賽祈五穀十四日庚戌大風雨拔樹發屋二十  
七日癸亥太白經天冬十月丙寅朔停宴會五日庚  
午地震十日乙亥右大臣藤原良相薨十六日辛巳  
有虹見于太政官候廳十七日壬午晝有流星東南  
行光照地十九日甲申石見言鹿足郡倉庫自鳴十  
一月丙申朔日有食之十日乙巳下攝津和泉山陽  
南海道等諸國曰如聞近來伊豫宮崎村海賊群居

掠奪公私海行隔絕既命搜捕督促懇懇其後播磨  
備中備後阿波等國相尋上獲賊狀而今寇盜難弭  
流聞如此實是國司等欲消一境之害不慮天下之  
憂無盡謀畧不精搜捕之所致也夫海賊之徒萍浮  
南北唯殉其利不恤其居追捕則鳥散寬縱則烏合  
須緣諸國戮力同謀具記往來之舟船勅詳去就海  
之人物儻聞有奸謀則彼我相移差發人共招募浮  
囚搜其巢穴尋其風聲窮討盡捕令無遺類二十三日  
戊午彗星出紫微貫內階長可五尺二十九日甲  
子敕曰向者天文告變地理呈妖謀龜謀筮誠匪國

慶加之陰陽書說來年戊子當有水旱疾疫之災朕  
每聞此事思切納隍日夜用心休徵不至如聞如來  
救世正教過恒至于護持國喪消却災難則般若妙  
典爲其先鳴者也宜告天下諸國三日齋潔令奉讀  
金剛般若及摩訶般若又命七大寺講演仁王般若  
以內舍人爲使勾當其事與專寺僧綱及別當三綱  
五師等相共勸加檢察但若來若去應物隨機苟無  
至誠何通靈感然則内外文武百官人等乃至庶人  
百姓讀經之頃至心歸命不食葷血慎忌殺生度使  
五大菩薩大願能彰八部鬼神新妖自斷致真福於

冥助銷禍胎於未萌歲稔時和人平國富乙丑晦日  
上有冠左右珥色黃白十二月四日己巳敕上總置  
檢非違使二十日乙酉禁諸家人強雇往還車馬此條

據三  
代格

十年戊子春正月丙申朔不受朝十一日丙午無品  
業良親王薨二月十三日丁丑造應天門十八日壬  
午野火燒田邑陵樹二十五日己丑遣大納言藤原  
氏宗等告謝田邑陵天皇避正殿服錫紵御素膳輟  
朝五日公卿近臣皆去華飾一如凶儀夏四月十三  
日丁丑地震二十八日壬辰又震五月十九日壬子

又震二十六日己未罷左近衛大將藤原氏宗以中  
納言藤原基經兼左近衛大將此條補  
任要記七月八日己

亥地震屋垣多壞十五日丙午播磨言地大震官舍  
寺塔悉倒八月十七日戊寅東宮火是月地屢震九  
月七日丁酉地震冬十一月二十七日丙辰又震二  
十八日丁巳雷太宰府獻白鹿十二月庚申朔地震  
七日丙寅賀皇太后四十算於常寧殿十日己巳地  
震十六日乙亥又震閏月五日甲午右京職言木連  
理二十日己酉新定内外交替式成敕領天下二十  
八日丁巳左大臣源信薨

十一年己丑春正月乙未朔以源信薨不受朝停宴  
二月己丑朔天皇臨軒冊貞明親王爲皇太子以大  
納言藤原氏宗爲傅四日壬辰地震二十九日丁巳  
地震是月霖雨三月己未朔日有食三日辛酉先之  
是陰陽寮言夏季應有疾病救五畿七道班幣諸神  
轉讀金剛般若摩訶般若經及禁殺生三日二十七  
日乙酉遣使深草陵田邑陵告立皇太子四月十三  
日庚子大納言藤原氏宗等上貞觀格五月五日壬  
戌停端午節二十六日癸未陸奧地大震有光如晝  
地裂城壞海濤涌起數十百里溺死十計六月十五

日辛丑太宰府言前月二十二日新羅海賊夜入博  
多津掠豐前貢絹追捕不獲十七日癸卯奉幣大神  
宮以祈雨二十六日壬子敕曰朕聞上天不能獨理  
故立君以司物君道無成則玉燭均調時政失宜則  
陰陽並隔。誓帝典遙計皇猷重規疊矩未有違之遠  
者朕以菲虛嗣守鴻業德慙寶露勤切宵衣常願令  
世同於東戶彘犬得吐菽粟而今旱雲涉旬農民失  
望班幣以遍群神屈僧以祈之雖然冥感未通嘉應  
難至朕之不德百姓何辜責躬寅畏未知攸濟其朕  
服御常膳等物並宜減撤左右馬寮秣穀一切權絕

今左右京職收葬道殮掩骼埋胔又恐園犴之中或有冤結宜遣使者勒加申理天安二年以往調庸未進在民身者皆從蠲除方冀精誠感革遍鴻霈於崇朝穀稼豐登飲京坻於急景秋七月二日戊午減五位已上封祿六日壬戌月犯心前星七日癸亥地震八日甲子大和掠橋山河岸崩獲鏡一枚廣一尺七寸獻之是夜月入南斗魁中十三日己巳震武德殿前松樹十四日庚午風雨是日肥後大風雨飛瓦拔樹廬舍多倒人畜壓死海溢漂六郡田園數百里陷爲海八月十三日戊戌備前獻嘉禾十四日己亥參

議武部大輔春澄善繩上續日本後紀二十六日辛亥大風暴雨拔樹發屋九月乙卯朔日有食之七日辛酉頒負觀格遣左衛門權佐紀春枝於陸奧檢地震處九日癸亥以秋稼不登停重陽節二十一日乙亥無品基負親王薨二十五日己卯地震冬十月六日庚寅雷十三日丁酉詔曰羲農異代未隔於憂勞堯舜殊時猶均於愛育豈唯地震周日姬父於是責躬旱流殷年湯帝以之罪已朕以寡昧欽若鴻圖修德以奉靈心莅政而從民望思使率土之內同保福於遂生編戶之間共銷災於非命而惠化罔孚至誠

不感上玄降譴厚載虧方如聞陸奧國境地震尤甚  
或海水暴溢而為患或城宇頽壓而致殃百姓何辜  
罹斯禍毒憮然媿懼責深在予今遣使者就布恩煦  
使與國司不論民夷勒自臨撫既死者盡加收殮其  
存者詳察賑恤其被害太甚者勿輸租調鰥寡孤獨  
窮不能自立者在所斟量厚宜支濟務盡矜恤之旨  
俾若朕親覲焉二十三日丁未敕曰妖不自作其來  
有由靈譴不虛必應批政如聞肥後國迅雨成暴坎  
德為災田園以之淹傷里落由其蕩盡天一物失所  
思切納隍千里分憂寄歸牧宰疑是皇猷猶鬱吏化

亦宜方牧。魺致此變異歟昔周郊偃苗感罪已而失  
弭患漢朝壞室據修德以禳災前事不忘取鑒在此  
宜施以德政救彼凋殘令太宰府其被災害尤甚者  
以遠年稻穀四千斛周給之勉加存恤勿令失職又  
壞垣毀屋之下所有殘屍亂骸早加收埋不令暴露  
十一月三日丙辰雷電風雨十三日丙子隱岐言鷓  
鷄化為雄二十一日甲戌以旱免安藝今年田租半  
十二月二日乙酉以山城旱免今年田租半四日丁  
亥近江勢多橋火九日壬辰後能登四郡新附百姓  
四百九十餘人一年十三日丙申地震先是大鳥集

太宰府廳及門樓兵庫神祇官陰陽寮占卜之並言  
當有隣國之兵十四日丁酉遣使奉幣太神宮十七  
日庚子敕五畿七道班幣境內諸神以祈禳災異二  
十三日丙午地震二十五日戊申敕五畿七道轉讀  
金剛般若經三日以厭災異二十八日辛亥遣右近  
衛權少將兼太宰少貳坂上瀧守鎮太宰府二十九  
日壬子遣使奉幣石清水

十二年庚寅春正月甲寅朔不受朝十三日丙寅以  
大納言藤原氏宗爲右大臣是日敕給壹岐島胃并  
午纏谷二百具十六日己巳地震二十五日戊寅鑄

貞觀永寶錢二月十二日甲午敕太宰府令緣海諸  
郡警備及因幡伯耆出雲石見隱岐修守禦之具十  
五日丁酉遣使八幡香推宗像耳南備神及深州田  
邑楯列陵祈禳災害二十日壬寅王氏預祿者四百  
二十九人爲定員後生年足者隨闕補之自願賜姓  
屬籍者不以爲闕二十四日丙午賑京師飢二十五  
日丁未減諸王年祿四分之一二十九日辛亥晦佐  
渡獻奇龜烏嘴赤甲黑質三月癸丑朔日有食之七  
日乙未地震夏四月五日丁亥禁長門出馬五月五  
日丙辰以眞子內親王薨停端午節六日丁巳地震



十四日乙丑造山崎橋二十六日丁丑河内飢饉借  
富豪貯稻一萬三千束以賑給百姓至秋官償之六  
月七日戊子敕對馬島置選士五十人十日辛卯自  
五月雨至此未止奉幣賀茂貴布禰祈晴是夜白虹  
見于東北十三日甲午先是太宰府言肥前杵島郡  
兵庫震動鼓鳴二聲卜之可警隣兵是日敕筑前肥  
前壹岐對馬戒不虞十七日戊戌連月涵霖京師飢  
饉賑之二十二日癸卯遣使奉幣賀茂祈晴秋七月  
二日壬子以少納言和氣彛範爲檢河内水害堤使  
九日己未伊勢獻蓮一莖二花二十日庚午遣大僧

都慧達等於河内勞視築堤二十二日壬申遣朝使  
築河内堤奉幣大和三歲神廣瀨龍田神祈水滯二  
十九日己卯晦山城言綴喜郡山本郷山顛裂陷小  
山堆起草木無變動八月五日乙酉免除隱岐負觀  
七八年疫死民三千餘人二十六日丙午禁諸國出  
舉收納之日吏責私負截取舉稻此條三代格九月庚戌  
朔日有食之八日丁巳遣使奉神寶於太神宮冬十  
月七日乙酉地震二十五日癸卯以伯耆飢疫徼河  
村久米會見日野四郡一年十一月十三日辛酉筑  
後史生佐伯真繼告太宰少貳藤原元利萬侶與新

羅通謀下真繼於檢非違使十七日乙丑遣使奉新  
錢于石清水賀茂松尾稻荷平野梅宮春日大原野  
二十五日癸酉地震十二月十七日甲午以旱饑使  
常陸信太那珂二郡是歲河內水旱

十三年辛卯春正月戊申朔以雨不受朝十日丁巳  
太白經天十五日壬戌太宰府言壹岐兵庫鼓鳴二  
十一日戊辰以皇太后不豫停內宴二月十四日庚  
寅天皇復御紫宸殿視事三月丁未朔日有食之二  
十六日壬申以攝津正稅稻五萬束賑河內遇水旱  
者是月京師多盜詔遣左右近衛府十人警夜夏四

月四日庚辰近江勢多橋火六日壬午因幡兵庫火  
十五日辛卯月掩心大星五月五日庚戌停端午節  
十日乙卯佐渡國司言兵庫震動十六日辛酉先是  
出羽國司言四月八日飽海郡大物忌神社所在山  
上有火聲如雷自山所出之河臭泥泛溢死魚壅塞  
有二巨蛇流出入海小蛇隨之無數沿河田稼多損  
卜之云因所禱未賽且冢墓骸骨汚其山水是日令  
國司去舊骸賽宿禱六月八日癸未使美濃土岐惠  
奈二郡調庸一年十三日戊子敕東山北陸山陰山  
陽南海五道班幣境內名山大澤諸神轉讀大般若

金剛般若經以祈雨八月二十三日丁酉有大流星  
出東方入天市其色赤白二十五日乙亥右大臣藤  
原氏宗等上負觀式閏月甲辰朔日有食之七日庚  
戌大雨河水暴溢壞廬舍遣使班幣諸神祈晴十一  
日甲寅賜京師民遭水害者穀鹽有差十四日丁巳  
敕夫積土築堤尤爲避水河決之害甚爲難防如聞  
令細民之愚昧於遠慮或公諸空閑之地或私遂膏  
腴之利開發田疇穿渠溉灌霑潤之漸遂及壞堤又  
河壩近郊之地者京師及諸國輸貢之徒所芻牧也  
而求利之輩白爲田園令民失放牧之便宜禁止鴨

川堤邊除公田之外耕營水陸田縱雖公田可爲堤  
害者莫令耕作犯者罪之二十八日辛未定百姓葬  
送放牧之地二十九日壬申有流星出東南入女牀  
大如柚子青而有光九月九日壬午停重陽節十四  
日丁亥有星出文昌歷紫微宮西南行長三丈許色  
赤黃光照地二十八日辛丑地震太皇太后藤原氏  
崩是月櫻梨桃李皆華冬十月五日丁未葬五條太  
皇太后八日庚戌二品太宰帥賀陽親王薨二十八  
日庚午雷二十九日辛未應天門成十一月癸酉朔  
雷十八日庚寅飛驒愛寶山紫雲見二十二日甲午

雷地震大鳥集于乾臨殿鴟尾上二十九日辛丑地震是月停平野春日梅宮大原野園韓神鎮魂祭新嘗會十二月壬寅朔雷三日甲辰薄蝕太白從西貫東五日丙午太宰府言肥前木連理是歲尾張藩旱十四年壬辰春正月壬申朔不受朝停諸節會十四日乙酉石見廳事壇自陷三所二十日辛卯是月京師人患咳逆死亡者衆二十二日癸巳地震二月七日丁未右大臣藤原氏宗薨按氏宗十一年二月兼皇太子傳補任每年注之而至是年不注據明年正月源融兼皇太子傳疑氏宗仍兼之然無明文故不書二十一日辛酉佐渡言紫雲見庚午晦以天皇終心喪大拔建

禮門三月十日庚辰大風雨賑給京師絕乏二十三  
日癸巳今春以後內外頗有怪異且去歲陰陽寮奏  
勅海人來當有不祥氣是日遣參議南淵年名於賀  
茂源勅於松尾梅宮大江音人於平野藤原家宗於  
大原野少納言和氣彛範於石清水神祇伯藤原廣  
基於稻荷奉幣就近社道場各轉讀金剛般若經二  
十七日丁酉地震夏四月十九日戊午賑尾張飢乏  
五月五日甲戌停端午節十五日甲申渤海遣使入  
貢己亥晦駿河國分寺有大蛇吞般若心經三十一  
卷備後木連理秋七月九日丁丑晝有大流星十日

戊寅白氣起東北亘西南如足布十七日乙酉遼江  
兵庫自鳴十八日丙戌轉讀大般若經於大極殿三  
日以祈雨天皇祈雨不御葦薙二十一日己丑雨連  
獲大雨二十七日乙未地震二十九日丁酉停相撲  
節八月八日丙午備後安那郡人一產三子給稻二  
十五日癸亥以大納言源融爲左大臣大納言藤原  
基經爲右大臣兼左近衛大將如故九月戊辰朔地  
震二日己巳太政大臣良房薨十六日癸未日赤無  
光丁酉晦地震是月停御燈重陽節大神宮例幣冬  
十月二日己亥地震十一月十二日戊寅飛驒愛寶

山紫雲見十四日庚辰停節會二十三日己丑地震  
二十八日甲午又震二十九日乙未天南有聲如雷  
十二月三日己亥地震十三日己酉除贈太皇太后  
高野氏大枝陵加太皇太后藤原氏後山階陵爲十  
陵加藤原良房愛宕墓爲五墓是歲大和因幡夏旱  
秋風水

十五年癸巳春正月丁卯朔以泥濘不受朝御紫宸  
殿賜宴群臣以良房薨停雅樂寮音樂吉野國栖風  
俗歌及踏歌節賭射內宴是日暴雨風雷十三日己  
卯左大臣源融爲皇太子傳二十日丙戌地震二月

二日丁酉地震十一日丙午流星出七星入弧其色  
白十六日辛亥虹見紫宸殿東南隅十八日癸丑地  
震二十六日辛酉春宮廳院火二十八日癸亥飛驒  
言愛寶山紫雲見二十九日甲子以東宮火火被建  
禮門前三月三日丁卯停御潔齋十六日庚辰地震  
虹見紫宸殿東南隅十九日癸未令因幡伯耆出雲  
石見隱岐太宰府戒嚴二十日甲申以比年不登賑  
陸奧夏四月九日癸卯有流星入羽林又入天市其  
色皆赤十四日戊申地震二十一日乙卯以皇子  
負固負元負保負平負純爲親王皇女孟子包子教

子爲內親王皇子長猷長淵長鑿皇女載子賜源姓  
二十四日戊午地震二十六日甲辰流星入翼色赤  
五月甲子朔地震三日丙寅雨雹大如雞子五日戊  
辰停端午節十七日庚辰以祈雨轉讀大般若經於  
紫宸殿三日二十日癸未更延讀經二日奉幣賀茂  
松尾乙訓稻荷貴布禰丹生川上二十三日丙戌讀  
經十五大寺二十四日丁亥雨六月十四日丁未地  
震二十二日乙卯賑京師飢以攝津正稅稻一萬束  
賑河內飢秋七月癸亥朔日有食之九日辛未遣使  
奉幣賀茂松尾稻荷乙訓貴布禰以祈雨十九日辛

已奉幣大神宮以祈雨二十日壬午雨九月三日乙丑停御燈齋九日辛未停重陽節二十五日丁亥後遠江引佐長上二郡一年十月九日庚子有馬追牛入太政官關於辨官廳事前二十日辛亥日重暈左右有珥下有雲氣如龍十一月十三日甲戌詔曰壘鴻一德違道者先亂其行歷象同天變常者乃遭其怒朕政無寒暑化負水波凌遲之運仰慙洪緒及至十一年夏旱曠甚於常時牲璧空牧山澤之靈魚龍殆失淵源之府朕念而三徼過在一人麤衣以待天下之溫菲食以思天下之飽而卿等推心唱和取義

往來論奏一成懇誠自露遂王公減封諸臣省祿縱令率如舊制伏臘之費難支何況法損恒規朝夕之儲逾乏朕之焦思已涉炎涼如聞今茲收藏不害民庶稍休非望栖畝之餘糧蓋聞載路之多黍而已夫先王之爲政也弛於急張於緩年荒節用無節不可以存穀熟彼常不復難可以贍太皇太后皇太后宮春宮坊封及服用五位以上封祿諸王季祿等往年減省之物自今以後仍舊莫減唯至朕躬德淺責深堯之冷葛舜之輕摺朕雖未窺彼垣牆而今恨其珍麗夫群蠹之器非片漆之所能堅屢空之民豈一秋

之所能富是故朕服御常膳左右馬寮秣穀或分折  
或權停之類尚如前令更不加進十六日丁丑公卿  
奏請服御常膳左右秣穀並復舊敕許之以比馬寮  
日物怪頻見卜之應乘輿嬰疾遣使奉幣賀茂松尾  
平野大原野以禳之二十七日戊子流星入參色青  
白體大尾短將沒迸散十二月二日癸巳有流星出  
婁入奎將沒散爲三脈太宰府飢疫七日戊戌造五  
菩薩於陸奧肅蠻夷安吏民

十六年甲午春正月壬戌朔以泥濘不受朝二月二  
十七日丁巳文昌星微而不明是月以穢停春日祭

三月庚申朔流星入大微左執法第二星大如李色  
赤十一日庚午鹿入宮城二十三日壬午設大齋會  
慶負觀寺親王以下百官畢集夏四月五日癸巳預  
霜七日乙未日重暈白虹貫日八日丙申停內殿灌  
佛十五日癸卯陰霧終日不晴十八日丙午日赤無  
光十九日丁未淳和院火二十一日己酉以穢停賀  
茂祭二十四日壬子有黑雲掩日黃赤氣蔽天五月  
五日壬辰停端午節六日癸巳賑京師飢六月丁巳  
朔日有食之十五日辛未流星出織女入大陵卷舌  
間色赤有光十七日癸酉遣伊豫權掾大神巳井等



於唐市香藥禁諸國司娶部內女子二十八日甲申  
敕令諸國大社封戶修理其畜神小社禁諸國司以下三代格  
流星出自室入癸地長丈餘其色黃白秋七月二日  
戊子地震太宰府言薩摩聞神山焚震動聲聞百  
餘里二十九日乙卯太宰府言三月四日夜迅雷翌  
日天暗如夜雨沙終日不止積四五寸河水爲濁及  
暮雨未稼皆枯魚鱉死者無數八月丁巳朔伊弉言  
有蝗食稼所過無遺十三日己巳遣使奉幣太神宮  
祈蝗災二十日丙子天皇不豫遣參議藤原仲統奉  
幣賀茂禱之二十四日庚辰大風雨折樹發屋紫宸

殿樓東宮紅梅侍從局大梨樹等皆倒內外公私廬  
舍無徼全者衆水暴漲直衝城下壞豐財坊門橋梁  
人馬多漂沒是日班幣畿內諸神祈之九月三日戊  
子停御燈齋五日庚寅遣參議源能有於栢原陵告  
風水之災七日壬辰賑東西京被風水害者三千一  
百餘九日甲午停重陽節十四日己亥舊制諸衛舍  
人等神宴求酒食責被物者坐髡鉗今改舍人解任  
餘決杖八十許衛府長官新任者一設宴饗禁以綾  
羅錦綺施僧尼十七日壬寅地震是秋桃李華冬十  
月二十三日戊寅詔曰朕聞哲王調序天吏於是休

和睿后乘時風俗所以敦阜自朕纂業驟移寒暄澆  
耗之萌漸彰化育之孚難達中夜慙息未暇歆眠去  
夏年澤頻降苗稼肥好朕初謂上天錫祉黔黎之業  
能豐下土資腴紅粒之糧可蓄何意百年之老倣收  
擊壤之聲五尺之童更廢鼓腹之詠如聞諸國風水  
致災隣河之鄉鼠居鳥樹之上濱水之地魚行人道  
之中老弱沒亡不得其死田園淹損或破其生靜而  
思之切於軫悼夫國宰者民之父母也豈有兒子既  
罹其憂父母不為流涕者乎其屍體漂散不得生名  
者官為鈎求加意埋掩被災郡縣免當年徭夫民之

窮不能自濟者量加救賑庶使已飢之口有再飽之  
期不存之魂銷無聊之恨務盡恤隱之旨副朕惻然  
之懷十一月十三日戊戌地震十六日辛丑以檄停  
平野梅宮春日大原野園禱神鎮魂等諸祭大板建  
禮門前二十五日庚戌被陸奧小田牡鹿二郡二年  
二十七日壬子以參河因幡是秋風水免今年租半  
十二月乙卯朔日有食之五日己未遣使伊勢以檄  
例幣延及于此是夜有流星出七星入張長一丈餘  
其色赤右近衛府火七日辛酉平野祭十一日乙丑  
月犯昴十六日庚午月犯輿鬼十七日辛未鎮魂祭

是歲但馬水伊勢風水

十七年乙未春正月乙酉朔不受朝二十一日乙巳  
日暈二十三日丁未日暈而有珥二十八日壬子冷  
然院火延及五十四宇焚圖書財寶二十九日癸丑  
火未止募人撲滅二月九日癸亥以右中辨橋三夏  
爲築河內提使長官十一日乙丑分遣使者於近京  
及平城諸寺修善諷誦十二日丙寅地震十七日辛  
未日有冠纓二十四日戊寅轉孔雀經於紫宸殿轉  
灌頂經於豐樂院是月以冷泉院火停大原野祭釋  
奠祈年春日園韓神諸祭夏四月十五日丁卯天皇

移自弘徽殿御綾綺殿二十八日庚辰彗星見于東  
北色赤有芒角五月二日癸未伯耆言有牛生犢一  
身兩頭三眼三角二口面各相背遍身灰色五日丙  
戌停端午節十日辛卯下總言倂囚叛敕使發兵擊  
之令武藏上總常陸下野等國各發兵三百援之十  
四日乙未太白經天卞六日丁酉夜有雲氣竟天形  
如幡十八日己亥有星孛東北辛亥晦晝有流星墮  
於東南大可一尺長可六尺其色白六月壬子朔相  
摸言大住郡河水赤三日甲寅晝星月並見是日奉  
幣賀茂松尾稻荷乙訓貴布禰丹生川上以祈雨四

日乙卯星月晝見太政官曹司廳南門隕雪五日丙  
辰星月晝見九日庚申遣使奉幣太神宮十三日甲  
子遣使十五大寺轉讀大般若經以祈雨比日兩京  
每夜有鼠跡無萬數或入宮城或出城外十五日丙  
寅轉讀大般若經於大極殿三日修大雲輪請雨經  
法於神泉苑以祈雨神祇官奏不雨因伐深草陵樹  
遣使謝之是日原輕囚十八日己巳以祈雨無應更  
延讀經大極殿修法神泉苑三日十九日庚午下野  
言殺獲反虜二十日辛未太宰府言有大鳥二集肥  
後玉名郡倉上向西鳴有群鳥數百啄拔菊池郡倉

舍屋第二十一日壬申相模言大住郡河水變赤二  
十三日甲戌遣使神泉苑陳歌舞以祈雨三日二十  
六日丁丑令太宰府班幣肥後諸神以禳鳥怪秋七  
月二日壬午遣使班幣賀茂松尾稻荷乙訓木島貴  
布禰丹生川上以祈雨三日癸未遣使楯列陵謝民  
伐陵樹兼祈雨五日乙酉下野言殺獲倅囚十日庚  
寅風雨拔樹壞屋十三日癸巳地震二十一日辛丑  
長樂門驛鈴自鳴二十六日丙午祈晴丹生川上八  
月八日戊午陰陽寮漏刻鼓自鳴冬十月十二日辛  
酉有鹿入主殿寮御湯舍十五日甲子以皇子負辰

爲親王十一月四日癸未以齋女可多子遭喪藤原  
意佳子爲春日大原野齋女十三日壬辰以但馬去  
歲水借貸正稅充四分之二十六日乙未出羽言渡  
島荒狄叛<sup>初</sup>收宰討之二十八日丁未免伊勢去年田  
租八分十二月十一日庚申以穢停月次神今食祭  
十三日壬戌以明年當三合敕五畿七道奉幣境內  
名神及國分二寺諸定額寺晝轉金剛般若經夜念  
藥師觀音號三日豫厭災害

十八年丙申春正月己卯朔以雨不受朝三日辛巳  
陰霧日赤二十七日乙巳越中獻白雉是月停賭射

內宴二月五日癸丑下總言木連理二十日戊辰二  
品式部卿兼太宰帥忠良親王薨是月停大原野春  
日祭三月九日丁亥參議太宰權帥在原行平奏請  
營壹岐水田充對馬年糧割肥前松浦郡陀羅值嘉  
二鄉建上近下近二郡爲值嘉嶋置島司郡領敕試  
營田二年驗其息耗依請置島十三日辛卯以皇子  
負數爲親王皇子長賴賜姓源朝臣二十一日己亥  
以霖雨賑京師飢是月霖雨夏四月十日丁巳大極  
殿火延及小安殿蒼龍白虎兩樓延休堂及北門北  
東西三面廊數日不滅廢朝三日諸衛戒嚴十四日

辛酉停賀茂祭十五日壬戌解嚴是日綾綺殿震動  
二十七日甲戌遣左右近衛兵衛等每夜巡察兩京  
五月丁丑朔日有食之三日己卯遣使伊勢四日庚  
辰分遣參議菅原是善藤原冬緒於賀茂松尾社告  
火災五日辛巳停端午節八日甲申遣參議源能有  
等於栢原陵告火災十二日戊子颶風起紫宸殿前  
轉出修明門十四日庚寅地震十五日辛卯又震二  
十一日丁酉又震是月霖雨六月四日己酉風冷如  
秋十一日丙辰以穢停月次及神今食十八日癸亥  
雨雹地震十九日甲子賑京師飢秋七月七日壬午

興福寺塔震動三日不止十一日丙戌賑丹後美作  
飢疫十四日己丑參議兼近江權守源舒獲奇鳥獻  
之敕放之北山十八日癸巳大安寺塔震動二十一  
日丙申復作大極殿是日天無雲而雷丹後比年大  
旱民飢貸穀三萬斛二十六日辛丑太宰府言肥後  
獲白龜二十七日壬寅五色雲見東山如虹是夜黑  
雲又見東山形如幔長十許丈二十八日癸卯地震  
八月六日庚戌赤雲八條起東指西廣殆竟天十三  
日丁巳創置石清水八幡神主二十五日己巳以神  
祇官陰陽寮言猶見火災之氣班幣五畿七道神社

以厭之九月三日丁丑以穢停御燈九日癸未停重  
陽節公卿表賀白龜二十三日丁酉大流星出太微  
東藩經大陵入閣道附路間二十五日巳亥有白雲  
亘東南冬十月五日戊申以上筮告兵火班幣五畿  
七道諸神十一月甲戌朔日有食之七日庚辰虹見  
于太政官廳前九日壬午地震二十五日戊戌以皇  
子貞真貞賴爲親王二十七日庚子天皇將傳位幸  
深殿院二十九日壬寅傳位皇太子十二月上尊號  
爲太上天皇元慶元年閏二月上皇使右大臣藤原  
山陰辭封戶曰王風不競國幣民亡此故褫夫袞龍

愛此蘿薜豈復享太上之尊名致公家之煩費乎宜  
其封物等莫敢納用二月上皇辭封之半帝不從上  
表固請又遣參議源舒於清和院奉表陳請上皇遂  
固讓不受三月徙居清和院八日巳酉猶在深殿宮  
院據此則徙在此三年五月四日癸巳遷御攝政基  
月明矣因係于此經粟田院落飾入道法名素真要記  
皇紀翊日陽成帝欲  
幸粟田院親上皇乘輿既設上皇遣藤原山陰馳奏  
停之尋爲上皇度僧三十阿波權守藤原安方爲僧  
侍清和院十月巡幸大和歷覽名山古寺帝遣參議  
左衛門督源能育率六府將曹志府生各一人近衛

兵衛衛門各十人護衛上皇上皇悉遷之但參議在  
原行平藤原山陰侍焉凡其所經過山城粟田負觀  
海印大和東大香山神野法輪現光龍門比蘇大瀧  
攝津勝尾等寺也遷御丹波水尾山寺四年八月遷  
御左大臣源融嵯峨棲霞觀十月遷御粟田山莊圓  
覺寺十二月四日癸未天皇崩于圓覺寺年三十一  
遺詔火葬中野不起山陵使百官及諸國不舉哀素  
服及無置監葬之諸司喪事所用一從省約七日火  
葬愛宕郡上粟田山置御骨於水尾山謚清和天皇  
天皇美風儀端儼如神性寬明仁恕溫和寡言舉動

遵禮專精政事好讀書傳潛思釋教漁獵之娛未嘗  
留意即位之初外祖良房攝政樞機整密國家寧靜  
天皇茶已仰成默握憲綱及良房薨始親政事率由  
茶儉兼和以往天子日御紫宸殿視政事仁壽之後  
斯儀遂廢天皇復之當時稱之既而藤原基經當國  
吏稱其職內外肅然故道前代之政者悉稱貞觀之  
治時有僧真雅自天皇幼冲常侍左右真雅死有僧  
宗叡勸天皇結香火之緣既遜皇位常御菜蔬遂斷  
聲色入水尾山之後不御酒酢鹽豉隔二三日一進  
齋飯六時苦修毀瘠如削深厭世累欲絕膳捨身凡



諸苦行無所不修及大漸命侍僧誦陀羅尼向西方  
結跏趺坐手結定印而崩宸儀不動儼然若生念珠  
猶懸在手云

天保十己亥年三月念二日謹書寫之

中村萬喜直衛

大日本史卷二十七終

大日本史卷二十八

本紀第二十八

權中納言從三位源光圀修  
男權中納言從三位綱條校

陽成天皇

陽成天皇諱貞明清和帝第一子也母皇后藤原氏  
以貞觀十年十二月十六日乙亥生於深殿院十一  
年二月立為皇太子十八年十一月二十九日壬寅  
受禪深殿院歸御東宮右大臣兼左近衛大將藤原  
基經攝政左大臣源融中納言兼右近衛大將藤原

良世並如故公卿補任以下十二月六日巳酉雷雨雹  
七日庚戌雷八日辛亥詔曰朕祗膺敷託猥暴鴻基  
顧秋駕而晨統履春冰而夕惕伏惟太上天皇化架  
鼈波澤漏蟻冗光華之運未盡謳歌之聲猶喧而今  
歟落批糠洗除塵垢不德其德不功其功境絕迹殊  
無得而稱然國有成典不敢愆忘謹上尊號為太上  
天皇是日獻綾絹綿布於上皇又奉封二十戶二十  
日癸亥有大鳥翔紫宸殿上停佛名懺悔二十九日  
壬申遣參議大江音人等於田邑山陵告受禪  
元慶元年丁酉春正月三日乙亥天皇即位豐樂殿

時年十歲詔尊皇母藤原氏為皇太夫人是日但馬  
獻白雉九日辛巳罷攝政基經左近衛大將十八日  
庚寅停賭射二十四日丙申有大流星三丈許出天  
津入紫微二十五日丁酉客星出于壁二月十四日  
丙辰尾張言木連理十七日巳未卜定識子內親王  
為齋宮敦子內親王為齋院二十六日戊辰修法仁  
壽殿三日二十九日辛未本書作辛亥今推甲子訂之天皇遷御  
仁壽殿是日以大納言源多兼左近衛大將閏月十  
七日巳丑獻山城愛宕郡水田于上皇二十三日乙  
未美作備前進樣銅遣使採之三月三日甲辰備後

獻白鹿十一日壬子地大震

此條類聚國史

二十六日丁卯

延百餘僧於紫宸殿轉讀大般若經三日自是改貞觀之例春秋修之夏四月壬申朔日有食之九日庚辰造大極殿十六日丁亥詔曰朕聞善政之報靈貺不違洪化之符神輸必至朕以寡薄辱奉丕基德未動天惠非感物而去正月即位之日但馬獲白雉一二月十四日尾張言木連理閏月二十一日備後貢白鹿一按上文係三月三日蓋貢奏異日也或體誤曉日羽毛映於丹墀或幹凌寒霜枝柯被於青鄣皆應符改色感祥變容豈人事乎蓋天意也當是上玄錫祕下民蒙恩今

若抑而不宜謂朕孱昧思與海內同此休徵亦夫因瑞建元非無故實嗣位紀號既有前聞況今拓燧改煙葭灰正氣風物和暖卉木繁滋宜建佳辰以闡寶運其改貞觀十九年為元慶元年大赦天下常赦所不免者不在赦例夫以九州雲接百郡星連天降禎祥地有處所宜免尾張但馬備後等三國百姓當年徭役十日就中瑞所正出特須優矜令葦田郡勿輸今年之調春部カ及養父郡ヤ並免當年之庸其接得神物者多治部播但馬公得繼等叙正六位上賜物準例始見瑞木者僧道能到岸等授位二階庶使鴻休

因極流遠近而普霑鳳曆無疆配乾坤而彌久五月  
九日巳酉太宰府言肥後獲白鬼十三日癸丑地震  
六月四日癸酉奉幣丹生費布禰十二日辛巳使近  
京諸寺讀經十四日癸未奉幣石清水賀茂等十二  
社二十六日乙未使僧教日修金翅鳥王經法於神  
泉苑二十七日丙申遣僧修法東大寺大佛前三日  
並祈雨秋七月十日巳酉溉神泉苑池水於城南民  
田一日夜而水竭十三日壬子使僧衆緣誦咒於武  
德殿祈雨五日十四日癸丑地震此條類聚國史十六日乙  
卯大雨八月巳巳朔天皇不豫九日丁丑以國忌停

釋奠十一日巳卯使僧修法清凉殿七日禱天皇疾  
二十五日癸巳歲星犯大微尤執法二十九日丁酉  
太白與歲星同舍九月二日庚子佐渡言木連理三  
日辛丑停御燈五日癸卯修結毘法於宮中五日九  
日丁未以不豫停重陽節冬十月戊辰朔日有食之  
十七日甲申地大震十八日乙酉又震二十九日丙  
申御禊十一月二日巳亥遣使奉幣太神宮十八日  
乙卯大嘗十二月十三日巳卯敕定奉荷前幣五墓  
二十一日丁亥詔以正稅充神寺及諸家封戶庸是  
日置檢非違使於能登佐渡

二年戊戌春正月丁酉朔以雨雪廢朝十五日辛亥  
敕轉播磨不動敕班給和泉二十七日癸亥以去年  
亢旱京畿饑河內和泉最甚置常平司于東西京糶  
官米遣使賑之二十九日乙丑伊賀言木連理是月  
京師多盜遣左右近衛官人巡夜二月五日辛未備  
後饑復絕之戶十日丙子賑京師饑二十四日庚寅  
造大極殿使神祇大副大中臣有本祈請百神於殿  
壇上轉讀大般若經於紫宸殿轉讀金剛般若經於  
八省院各三日二十五日辛卯使大學助教善淵愛  
成讀日本紀二十七日癸巳夜盜剽取紫宸殿軟障

近衛舍人捕獲之二十八日甲午轉備前不動敕一  
萬斛賑河內二十九日乙未地震三月五日辛丑詔  
太宰府採豐前規矩郡銅七日癸卯遣使奉幣及神  
寶於大神宮九日乙巳地震遣使奉幣馬於賀茂松  
尾等九社班幣五畿七道名神賽去秋禱不豫十五  
日辛亥敕頒告五畿內曰校班之政盈紀爲期而自  
去天長五年以來五十箇年不行此事遂使無身之  
輩尚領田疇見佚之人曾無潤益軒濫爲之不斷公  
私所以多妨靜言其由最乖政理事須因修前規遣  
使考覈而王畿屢空民俗凋弊思其如此更以停留

夫因時設方雖有成式及經合道亦存舊章宜下知  
牧宰特準外國之例子細校定依實言上若所申排  
虛有教隱沒科以違敕不曾寬容二十三日己未奉  
丹後與謝郡水田三百餘町於清和院是月反虜燒  
秋田城及郡院民家出羽守藤原興世發兵防之夏  
四月丙寅朔日有食之八日癸酉興福寺火九日甲  
戌預霜二十六日辛卯備中獲白雀二十九日甲午  
設百講座於京畿及諸國說仁王般若經以禱國家  
是月藤原興世遣兵扼虜於隘口所敗敕上野下野  
發兵各一十陸奥發二十敕出羽五月二日丁酉詔

轉播磨備前不動敕各三千斛以賑攝津旱飢四日  
己亥以右中辨藤原保則爲出羽權守討反夷陸奥  
獲連理木五日庚子停端午節八日癸卯賑大和飢  
九日甲辰有大流星出辰入軫翼間衆星隨之所過  
木葉作聲是日下符相摸安房令進槻弓各百信濃  
梓弓二百但馬檀弓百備中備後柘弓各百是月藤  
原興世遣兵討反夷大敗最上郡擬大領伴負道俘  
魁<sup>五</sup>主竹<sup>宇</sup>申奈麻呂權弩師神服直雄等戰死自去年  
至是月不雨六月三日丁卯班幣賀茂松尾柏荷貴  
布禰丹生乙訓水主以祈雨八日壬申以從五位下

小野春風爲陸奧鎮守府將軍與權从坂上好蔭將  
兵討反夷賜春風好蔭甲冑十五日巳卯有雙鷺關  
紫宸殿前十六日庚辰震東寺幡竿是日出羽守興  
世奏陸奧押領大掾藤原梶長等與援兵二千逃亡  
敕追還之十九日癸未熒惑守天江二十一日乙酉  
有流星出斗入箕色白尾短是日敕東海東山兩道  
擇勇敢輕銳須待出羽奏請應機奔赴令相摸送綿  
一千疋於出羽造禊二十三日丁亥以蓍龜告可有  
邊警敕因幡伯耆出雲隱岐長門繕器械固要害班  
幣境內群神修調伏法於四天王像前二十七日辛

卯有流星出騰地入雷電色赤長二丈餘攝津頻年  
旱道殍相繼敕以糒一百斛賑之二十八日壬辰遣  
僧寵壽於出羽修降賊法出羽權守藤原保則遣兵  
拒賊於秋田漆河秋七月甲午朔震大藏省樹四日  
丁酉地震十日癸卯藤原保則奏捷十一日甲辰地  
震二十五日戊午又震八月二日乙丑夜有光見紫  
宸仁壽兩殿間有流星南行大丈許十八日辛巳大  
風雨洪水二十四日丁亥遣使奉幣大神宮二十五  
日戊子祈晴費布禰丹生二十九日壬辰夷虜三百  
餘人至出羽城降九月七日巳亥有大鳥集肥後八

代郡倉上宇土郡蒲智比咩神前河水赤如血瀕河  
山野草木凋枯二十一日癸丑大雨河溢二十五日  
丁巳鎮守將軍小野春風至秋田營虜酋多降二十  
八日庚申紀伊言今月二十六日風雨晦暝雷震府  
廳及學校破公私館舍六十餘宇木倒人死二十九  
日辛酉地震是日關東諸國地大震相模武藏特甚  
數日不止公私廬舍一無全者百姓多壓死地陷道  
路不通是月陰雨傷稼冬十月九日辛未地震十一  
日癸酉藏造兵司甲曹五十具於宣陽殿二十日壬  
午轉讀大般若經於紫宸殿三日十一月十九日庚

戌太白逆行二十六日丁巳月入色二十七日戊午  
月犯房及鈎鈴十二月二日癸亥有大鳥四翱翔御  
在所上十一日壬申太宰少貳島田忠臣奏糧日神  
憑人云新羅將侵邊宜豫備因遣使大神宮祈之是  
夜月犯畢二十日辛巳以民部大輔藤原房雄為太  
宰權少貳往太宰府戒戎事二十四日乙酉以糧日  
憑語及肥後有怪遣使奉幣糧日八幡及姬神住吉  
宗形等神是月渡島夷酋一百餘人率種三千至秋  
田城降津輕渡島雜夷悉內屬津輕以下藤原保則傳  
三年己亥春正月辛卯朔不受朝十三日癸卯敕賞



出羽夷酋有刃者二十日庚戌停內宴三月二日壬辰近江言木連理大和頒年不登以山城正稅稻三萬束班給貧民七日丁酉地震八日戊戌又震十六日丙午宇佐神刃皇后神前瓶自破碎聲如犢鳴肥後菊池郡兵庫戶自鳴十九日巳酉轉讀大般若經於紫宸殿二日二十二日壬子地大震二十三日癸丑太皇太后崩二十四日甲寅上皇設大齋會於清和院親王公卿悉會焉二十五日乙卯葬淳和皇后二十九日巳未晦地震夏四月庚申朔停平野松尾等祭及旬宴二日辛酉地震此條類聚國史癸亥停廣瀨龍

田祭七日丙寅以雨停擬階奏是夜地震是夜以下類聚國史十四日癸酉停賀茂祭十八日丁丑修法清涼殿七日二十二日辛巳天皇遷自弘徽殿御清涼殿二十六日乙酉天皇始讀御注孝經五月四日癸巳上皇遷自清和院居粟田院五日甲午停端午節八日丁酉上皇落飾十五日甲辰地震二十一日庚戌奉幣賀茂松尾等六社祈雨六月十六日乙亥地震此條類聚國史十九日戊寅賑東西京饑饉病囚者秋七月十九日丁未地震此條類聚國史八月戊午朔宴親王公卿於內殿各賜衣被二日巳未地震四日辛酉大和言紫雲

見十四日辛未地震京師梨李華或實九月戊子朔  
日有食之三日庚寅停御燈九日丙申停重陽節十  
一日戊戌宴親王公卿於中宮職賜五位以上物有  
差冬十月八日甲子大極殿成宴預事四位以下及  
工匠於朝堂院含章堂百寮畢會賜物有差十二日  
戊辰熒惑逆行犯守左執法十五日辛未敕太宰府  
及豐前長門禁出境內馬二十日丙子免越前貞觀  
十四年損戶調庸二十二日戊寅上皇將幸大和命  
六府戒嚴二十三日己卯奉綿二千屯錢一百貫於  
粟田院是夜上皇出粟田院宿粟田寺二十四日庚

辰上皇幸大和閏月二十三日己酉伊勢言木連理  
十一月丙辰朔日南至公卿表賀宴群臣宜陽殿賜  
物有差四日己未隱岐言兵庫震動六日辛酉廢梅  
宮祭九日甲子丹波言慶雲見十三日丁卯右大臣  
藤原基經上文德實錄此條本書序類聚國史二十四日己卯  
月入氏二十五日庚辰詔曰朕以眇虛寄身臣佐蒼  
天可畏赤縣猶賒乃者有司奏言今月朔且冬至理  
誠宜賀矣思之又思兢兢而已夫一陽之可以歡朕  
更增一日之慎履長之可以樂朕還切履冰之憂苟  
曰休祥何為抑遏自元慶三年十一月二十五日昧

爽以前徒罪以下不論輕重咸從寬免常赦所不免不在赦限其門陰久絕才刃先著特加榮賞以穆朝章內外文武官主典以上叙爵一級在京正六位上諸史及史生以下直丁以上天下高年者宜量賜物欲俾彼出罪科者目見震雷之能作解縻好爵者耳聞陰鶴之不吞聲其賜級賜物之徒所司明加寶覈二十七日壬午石見言獲白猿一木連理六二十八日癸未熒惑入辰十二月三日戊子敕曰今年令左右京職五畿內國班田須依先例遣使授之而項年畿內衰弊倉廩虛耗宜停頒使特委國宰五日庚寅

美濃言木連理二二十日丁未月入辰

四年庚子春正月乙卯朔以雨不受朝二月乙酉朔日有食之二十三日丁未東方有聲如雷二十四日

戊申地震

此條類聚國史

二十五日巳酉先是出羽言管諸

郡中雄勝平鹿山本三郡遠去國府近接賊地昔時叛夷之種與民雜居動乘間隙成腹心病項年頻遭不登憂在荒飢若不優恤民夷難和望請復調庸二年將休弊民至是救復一年又給不動穀六千二百餘斛於三郡狄俘八百餘人二十八日壬子地震先是隱岐言兵庫震動經三日復庫鼓自鳴三月十一

日甲子以出羽軍士白丁神服負氏等十一人便習  
弓馬動從警戒不顧私產特敕預出身夏四月二日  
乙酉地大震五日戊子又震十日癸巳又震二日以類聚  
國十二日乙未熒惑逆行犯房上相五月五日戊午  
地震此條類聚國史十六日巳巳奉幣賀茂松尾稻荷乙訓  
貴布禰丹生以祈雨二十日癸酉雨錄公卿及六府  
官人巳下在陳頭者賜調布公卿加賜御服絹有差  
二十二日乙亥以雨不止漸傷苗稼修灌頂經法於  
神泉苑三日以祈晴六月十七日巳亥但馬言二方  
郡海上有物形似小島疑外國舟因令但馬因幡伯

耆出雲隱岐特慎候望以備不虞二十二日甲辰涉  
旬不雨奉幣十一社祈雨二十三日乙巳右兵庫自  
鳴秋七月二日甲寅先是令七大寺及諸定額寺轉  
經諸雨是夜大雨五日丁巳伯耆獻白燕十七日巳  
巳地震八月壬午朔日有食之十六日丁酉遣使奉  
幣大神宮冬十月辛巳朔地震二日壬午又震三日  
癸未又震十四日甲午地又大震此條類聚國史是日出雲  
地大震神社佛寺官舍民屋損壞甚多十一月二十  
五日乙亥上皇以不豫遷居圓覺寺是夜地震二十  
九日巳卯晦有大流星出角亢間入楸河是日詔遣

使東大興福元興西大藥師大安法隆招提延曆等  
九寺每寺令二十僧轉讀大般若經起來月三日至  
五日又遣使新藥師四天王香山長谷壺坂崇福梵  
釋現光神野三松子島龍門等十二寺以禱上皇疾  
十二月庚辰朔有流星出東方入弧色赤二日辛巳  
爲上皇度僧一百四日癸未以右大臣藤原基經爲  
太政大臣攝政如故按愚管抄大鏡東書補任一代  
要記歷代皇紀並云十一月八  
日基經改攝政爲關白然而本書無所  
見且此詔云攝政如故則知五書誤詔曰頃者太  
上天皇聖躬乖豫德沼驚定水之波仁山動愁雲之  
色朕以菲虛恭兼洪緒罄禮敬於六宗禱冥護於三

寶而精誠未達威徹猶遲思憑肆眚之恩更致延祚  
之慶可大赦天下常赦所不免者咸皆赦除之且夫  
仁風一扇焉有偏枯惠澤普施實宜滂沛仍須未得  
解由之徒不論僧俗同皆放免若赤心之不虛廢皇  
天之可動是日上皇崩於圓覺寺地大震五日甲申  
天皇遷居常寧殿遵遺詔停素服舉哀敕喪制雖據  
遺詔率土黎元何無心喪宜禁宴飲作樂著美服是  
日奉高布二千段負觀錢一百貫於圓覺寺六日乙  
酉地大震大極殿登壇破宮城垣墻京師廬舍多壞  
七日丙戌葬清和天皇原繫囚賜錢十九日戊戌夜

天有聲此條類聚國史二十一日庚子空中有聲是月地數

震

五年辛丑春正月庚戌朔以諒闇不受朝六日乙卯

地震十一日庚申又震十二日辛酉又震十四日癸

亥又震十六日乙丑又震六日以下類聚國史是月諸衛陳怪

異屢見二月己卯朔日有食之三日辛巳地震九日

丁亥停釋奠天皇從御清涼殿盜竊彈正臺印二十

三日辛丑地震此條類聚國史二十六日甲辰復出羽雄勝

平鹿山本三郡調庸一年三月三日辛亥停御齋十

三日辛酉敕賜大政大臣基經粟田院額曰圓覺寺

二十一日己巳有星色青出房入天市二十三日辛

未賑給京師饑困不能自存者夏四月戊寅朔停旬

宴三日庚辰地震四日辛巳又震五月五日壬子停

端午節九日丙辰拘留不輸義倉三位以上家司李

祿十一日戊午大政官下符山陽南海二道追捕海

賊十三日庚申地震救追捕山城攝津播磨海賊十

六日癸亥日重暈內黑外赤六月丁丑朔廢株山城

岡田銅使十四日庚寅自朔霖雨賑京師困乏二十

三日己亥兵庫自鳴二十五日辛丑地震此條類聚國史秋

七月七日癸丑有星出列肆犯心中星色赤長丈餘

八月丁丑朔日有食之十一日丁亥停釋奠九月三日戊申停御燈九日甲寅停重陽節十九日甲子地震二十日乙丑又震二十一日丙寅又震冬十月丙子朔停旬宴六日辛巳地震此條類聚國史十四日己丑禁男女著茜紅花交深支子色十一月二十四日戊辰停豐樂宴十二月六日庚辰地震此條類聚國史八日壬午地震夜太政官曹司廳有聲如狼是歲創辨學院西宮御記引  
六年壬寅春正月甲辰朔以烈風大雪不爰朝二日乙巳天皇加元服七日庚戌尊皇太后藤原氏為太

皇太后皇太夫人藤原氏為皇太后赦天下十日癸丑以大納言源多為右大臣兼左近衛大將如故左近衛以下類聚國史二月二十八日辛丑天皇御弘徽殿觀關雞三月二十四日丙寅地震此條類聚國史二十七日己巳天皇設宴於清涼殿賀皇太后四十筭夏四月七日己卯卜定揭子內親王為齋宮九日辛巳卜定穆子女王為齋院五月二日癸卯大和言鳥生白雛六月十九日庚寅地震二十四日乙未月犯畢大星二十五日丙申先是伯耆言負觀二年至元慶元年頻不登請給隣國穀勉民農業至是敕以因幡出雲正稅

三千石給之秋閏七月辛未朔日有食之九月四日  
癸酉地震此條類聚國史七日丙子月行奄犯牽牛第一二  
星二十日己丑有鷄當宮城翱翔冬十月庚子朔雷  
二日辛丑又雷十四日癸丑又雷十一月四日壬申  
月行奄陵歲星入月十五日癸未流星西北行十  
六日甲申雷地震地震據類聚國史十七日乙酉天皇遷自  
清涼殿御綾綺殿二十七日乙未渤海入貢十二月  
己亥朔日有食之十七日乙卯乙卯今推甲子訂之雷  
地中有聲  
七年癸卯春正月戊辰朔以雨不受朝十八日乙酉

停賭弓二十日丁亥停內宴二十九日丙申四品中  
務卿兼太宰帥惟彥親王薨二月九日丙午上總驛  
奏俘囚叛亂下官符追捕十八日乙卯上總又驛奏  
國兵討平夷虜三月十日丙子月暈行犯太微上將  
白氣貫月夏五月二十二日丁亥奉幣賀茂松尾稻  
荷貴布禰水主乙訓以雩二十六日辛卯大雨是月  
神泉苑產白鹿六月乙未朔日有食之三日丁酉地  
震此條類聚國史二十二日丙辰武藏飢賑之二十八日壬  
戌地震秋七月十九日癸未太宰府言盜殺筑後守  
都御百太政官下符譴責府司追捕逗撓不逮驛奏



二十六日庚寅日右有珥二十七日辛卯日左右有珥八月十七日庚戌因幡獻白龜二十五日戊午大極殿鷓尾折九月二日乙丑奉幣賀茂松尾貴布禰稻荷乙訓丹生祈晴是日春華門南大木自折三日丙寅停御燈是月霖雨冬十月九日壬寅以左衛門權佐藤原良積爲推問筑後殺害使十七日庚戌先是備前言境內海島奸賊所聚殺畧掠奪行旅被害由是擇勇幹浪人二百二十四人造舍要害給兵器舟楫以禦非常請割公廩稻十萬束別出舉以其息利爲禦賊兵糧聽之二十七日庚申雷大風二十九

日壬戌地震敕能登禁伐羽咋郡福良泊山木每渤海人到北陸道岸必造還舶於此故豫禁之十一月十六日己卯停新嘗熒惑失度順行守房三日十七日庚辰停節會十八日辛巳月入軒轅二十九日壬辰圖書寮火十二月癸巳朔日有食之二十二日甲寅敕曰禁野之興非妨民業至于草木素不拘制前旣頒告而預人等假託威勢矯峻法禁或驅略牛馬忽無放牧之便或奪取鎌斧遂失樵蘇之利宜重下知勿更令然猶致侵擾必處重科國司許容亦與同罪二十四日丙辰修鎮魂祭二十五日丁巳敕諸國

禁非受業人任當國博士醫師及郡司私相讓職  
八年甲辰春正月癸亥朔以雪不受朝四日丙寅雷  
暴風雨雹十八日庚辰停賭射二十日壬午停內宴  
二十三日乙酉日有冠右有珥色黃左有白虹向日  
二十四日丙戌日有冠左右有珥色白是夜有星東  
南見長一丈許二月四日乙未天皇遜于二條院三  
月上尊稱爲太上天皇三月以下大鏡裏書世稱二條院  
仁和二年二月先是遣六衛官人舍人等衛上皇宮  
至此上皇遣參議藤原有實請還之帝不從三年五  
月觀騎射走馬於馬埒亭王公畢會以大原野爲遊

獵之地寬平初上皇荒縱日甚劫掠鄉閭奪厩馬鞭  
逐人至以琴絃縛女子置之水中入左大臣源融別  
業破其柴垣又入備後守藤原氏助舍以爲居與童  
十二人厩舍人二人甲騎執弓持炬獵安倍山榜示  
爲院禁野無賴徒或稱院人充滿民間動爲陵轢天  
下嗷嗷厭苦之寬平已下扶桑畧記天曆三年九月不豫落飾  
村上帝敕度三十人日本紀畧紹運錄皇代畧紀二十九日已巳  
崩於冷泉院年八十二卽移圓覺寺畧紀十月葬神樂  
岡東北畧紀謚陽成天皇  
大日本史卷二十八終

天保十己亥年夏四月十二日欽而書寫之

中村萬喜直道

